

Wantok

Namba 511 — 17 Mas inap 24 Mas, 1984

Matane Lukim Waraston Kem

TIM bilong Foren Afeas na Tret lusim PNG long Trinde long go kibung wantaim Indonesia long ol long ol samting i kamap long boda.

Seketeri bilong Dipatmen bilong Foren Afeas Mista Paulius Matane i go pas long dispela lain bilong PNG.

Bai ol i kibung wan-

Insait

- Ol Wokman Straik - pes 3
- Manam Pairap - pes 2
- Boda Kompensesen - pes 3
- Nupela AHI Beng - pes 4
- Rabaul Ripot - pes 5
- Program Bilong Pop - pes 24
- Bairke Ben - pes 25
- Top 20 - pes 25
- Ol Pas - pes 6, 18 na 19
- Spot - pes, 13, 14, 15 na 16

taim ol opisa bilong Foren Afeas Dipatmen bilong Indonesia long Jayapura, biktaun bilong Wes Irian long dispela wik.

Baius bilong ol i bin pundaun pastaim long Vanimo. we Mista Matane i bin i go lukluk long ol refuji i stap long kem long Waraston.

Na ol skul manki bilong Wes Irian yet em nau ol i stap long kem i givim bikpela welkam tru wantaim singsing, "Hai Tanaliku Papua." Dispela singsing i makim kantri bilong ol Wes Papua. Na dispela i min olsem "Kantri bilong mi Papua."

Insait long kem, Mista Matane i bin askim lida bilong ol Refuji, Tom Ireew. Em i gat 38 krismas na em i wanpela tisa long Sandrawasi Yunivesiti long Jayapura.

Mista Matane i bin askim Tom Ireew long tingting bilong ol na ol pipel long go bbek long Irian Jaya, sapos gavman bilong Indonesia i no inap long givim mekim save o givim pen long ol.

Tom Ireew i tokim seketeri olsem ol i no inap tru long go bek long Wes Irian. Long wanem sapos i go bek em bilong painim matmat na sampela bilong kalabus planti na karim bikpela kain kain pen tru.

Bihain long lukluk bilong em long retun kem long Waraston. Mista Mante, Mista Lawrence Sapien wantaim ol boda liesen opisa i go long dispela kibung i bin i go olgeta long Wutung viles. Na long Trinde, 15, Mas bai ol i go long Jayapura.

Indonesia na PNG boda Liesen komiti bai toktok moa long as bilong ol trabel em ol i bin kamap long Jayapura long mun i go pinis na ol refuji i ranawe i kam long PNG.

I gat 305 Wes Irian pipel olgeta i stap nau long Waraston. Na 5-pela pipel i bin ranawe i kam long Mande 6, Mas.

Ol Foren Afeas opisa i stap long Vanimo i tambu tru long man nating, i go insait long kem.




Mis PNG ?

Mis Stimsip, Linda Liar i wanpela meri namel long 9-pela yangpela meri resis long kamap Mis PNG.



Praim Minista, Mista Somare i winim indai lait bilong kendel antap long betde kek bilong Wimens Kaunsil woksap long Mosbi. Presiden bilong NCD Wimens Kaunsil, Mis Margaret Loko (raithan) na Misis Fide Bale i amamas na lap indai tru ta Somare i trai hat long kilim indai wanpela lait i kamap strong yet.



Dispela studen i yusim komputa long painim ansa bilong wanpela aritmetik pasel insait long klasrum.

ANUT
CONUT
CONUT
COLATE



Paradise

COOKIES

DU
740
A2
W3
V.511

Galp Helpim Manmeri

DIPATMEN bilong Galp Provins i putim kamap wanpela komiti long stat bilong wik husat bai go pas long wok bilong painim mani na salim i go long helpim pipel bilong Rabaul na ol ranawe pipel bilong Irian Jaya.

Ben Wauns

Primia bilong Galp Provins Mista Sepoe Karava i tok save pinis long Seketeri bilong Dipatmen bilong Galp. Mista Don Sigamata long kirapim keampen bilong painim mani insait long provins.

Mista Sigamata i kirapim komiti husat i stat nau long mekim ol wok bilong bungim mani.

Mista Karava i salim tok save pinis long ol arapela primia bilong Saten Rijon long mekim wankain pasin long bungim mani long helpim

ol pipel i stap klostu long maunten pairap long Rabaul.

Bikpela hap bilong dispela helpim mani tu bai go long Wes Sepik Provinsal Gavman long helpim ol ranawe pipel bilong Irian Jaya i stap insait long Vanimo.

Mista Karava i tok. "I gat planti pipel bilong Galp Provins i stap tu long Rabaul. Long dispela as tasol mi laikim olgeta manmeri insait long Kerema na arapela taun long bungim mani na salim i go long Is Nu Briten Provinsal Gavman.

Dispela pasin bai soim ol Galp pipel olsem asples i no lusim tngting long ol.

"Sampela mani mipela i bungim bai mas go tu long helpim ol ranawe pipel bilong Irian Jaya i stap long Vanimo. Long wanem ol dispela manmeri wantaim ol pikinini bin ranawe hariap na i no bringim olgeta klos na kaikai. Dispela mani i ken helpim long mekim

sindaun bilong ol dispela pipel i kamap isi insait long kem ol i stap long en. Ol i ken baim klos na planti kaikai long lukautim ol yet.

"Em i tru olsem wok bilong lukautim ol dispela ranawe pipel i stap long han bilong Foren Afeas Dipatmen. Tasol yumi olgeta pipel insait long PNG i mas givim han long helpim ol dispela pipel. Bikos yumi olgeta i bilong Melanesia grup na yumi wangraun tasol.

Mista Karava i no klia long hamamas mani bai komiti long Dipatmen bilong Galp i mas bungim. Tasol em bai tokaut long en bihain long taim ol redi long salim mani i go long Rabaul na Vanimo. Em i bilip bai ol arapela Primia long Saten Rijon i mekim ol pipel bilong en i givim helpim mani. Na ol bai join wantaim na soimaut kain bilong mani i kamap long Saten Rijon aninit long wok bung wantaim bilong ol Primia na pipel.

Ol Wokman Straik

OL bikpela sip long Mosbi i no inap kisim kago o rausim kago long Trinde na Fonde long wanem ol wokman bilong bris na sip long Mosbi i straik na i no wok.

Benny Bogg

Interim Nesenel Presiden bilong PNG Watsait na Simens Yunion, Mista Koea Sale i tok long as bilong dispela trabel em wanpela wokman bilong yunion bilong Pot Sevises Kampani i bin pinis long wok bihain long wanpela trabel i kamap.

Mista Sale i tok, dispela kain pasin bilong pinisim nating ol man long wok em i no gutpela. Kampani i mas painim as bilong trabel na pinisim man long wok.

Mista Sale i tok, Ol i straik long wanem ol i laik man ya i mas go bek long wok.

Mista Sale i tok long Februari 3, wanpela wokman bilong Pot Sevises Kampani long Mosbi, Washington Taure, i bin paitim Suprintenden bilong Bris, David Pooter.

Mista Sale i tok, ol wokman i no bin straik long Februari yet, bikos lo bilong yunion i tok olsem ol i mas mekim



Mosbi bris ol wokman i bin straik long Trinde na i no rausim kago long ol sip.

sikret balot vot long lukim hamas man i sapotim straik na hamas i no laik. Na tu ol i mas tok save long yunion rejistra na opis bilong kaunim ol vot.

Long Mas 5, Mande, ol wokman bilong dispela tupela yunion i mekim vot na givim vot i go long yunion rejistra, Margaret Kila. Olsem na ol i straik long Trinde na Fonde.

Mista Sale i tok, dispela straik i no inap kamap sapos ol bos long Pot Sevises i harim tok na kisim bek Washington long Februari.

Long Februari 9, ol i bin askim Pot Sevis long lukluk gen long dispela trabel na painimaut as bilong trabel ya.

Mista Sale i tok long stori bilong Washington olsem. "Long Februari 3, taim trabel i kamap, Washington i bin wok long 8 klok moningtaim inap 5 klok apinun. Long dispela taim em i lusim wok na go long stretim wari em i gat long famili bilong em.

"Lo bilong wokman i tok yu mas wok 7-pela aua long wan wan de bilong wok. Washington i wok 8-pela aua olgeta. Olsem na emi gat wan aua ovataim.

"Tasol bos bilong em long bris i rausim olgeta aua em i bin wok long dispela de. Na i luk olsem Washington i no wok long Februari 3.

"Long narapela de, Februari 4, Washington i

lukim wok kat bilong em ol i rausim taim bilong em long wok long de bipo. Em i askim bos bilong bris long Pot Sevises, David Pooter husat i rausim wok taim bilong em. Bikos David i no bekim gut ol askim bilong em, Washington i belhat tru na paitim em.

"Em i klia olsem Washington i belhat tru na paitim David. Tasol David i rong long no bin askim Washington sapos em i wok long de bipo o nogat, o hamas aua em i wok, bipo long em i ken rausim taim bilong wok long kat bilong wokman."

Mista Sale i tok, Wari bilong ol long straik bai pinis long fonde nait. Bai wok i stat gen long Fraide moning Mas 16.

Tambu Long Tromoi Pipia

LONG Mas 3, Wewak Taun Kaunsil i strongim nupela lo long ol manmeri i no mas tromoi nabaut pipia long taun. Ol manmeri inap go long kot o baim K10 sapos ol i brukim dispela lo.

Dispela nupela lo i kamap bihain long 40 yangpela manmeri bilong Wewak Taun na planti moa bikpela manmeri na pikinini i bin mekim bikpela wik long klinim taun long 4-pela aua olgeta long moning bilong Mas 3.

Lo inspekta bilong taun kaunsil, Mista Eddie Maik, i tok olsem, nau i gat pinis sas bilong 5-pela man husat i bin brukim dispela lo. Em i tok olsem, tupela bilong ol dispela man i baim pinis K10 long dispela sas.

Mista Maik i tok, "Mipela i no strong tumas yet long dispela lo. Em i nupela samting na ol manmeri i no klia gut tumas yet long en. Olsem na mi tingting gen long holim wanpela bikpela kempen bilong klinim Wewak Taun long Jun, tripela mun bihain, na long dispela taim bai dispela lo i kamap strong olgeta."

Mista Maik i tok olsem, ol yangpela manmeri i no bin kisim mani long mekim dispela wok bilong klinim taun. Ol i helpim tasol taun kaunsil na klinim bikpela eria tru long Wewak.

Laibreri Stadi

WANPELA grauduet long wok bilong laibreri (wok bilong ol buk) Joseph So'ongku bilong Manus i go pinis long Victoria Yunivesiti long Wellington, Nu Silan.

Em i namba 4 man long go stadi ovasis aninit long helpim bilong Wol Beng Felosip program.

Long taim em i kam bek bai em i wok wantaim

ol arapela 2-pela opisa nau i mekim wok olsem advaisa long wok bilong laibreri long kantri.

Narapela 3-pela opisa em Nick Maniha bilong Yangoru na Peter Eafeare bilong Kerema long Galp Provins. Dispela tupela man nau i wok tasol i stap. Tasol dispela wok bilong advaisa ol i no stretim yet.

Na narapela em Misis Kutun Oni i stadi i stap yet long Inglan na bai kam bek long mun Julai dispela yia.

Selp Rilaiens Skul

NUPELA komyuniti skul i kamap long Melelup eria insait long Not Solomons Provins long Januari 1984, long hatwok bilong ol pipel yet.

Em i selp rilaiens skul, namba tu komyuniti skul long Melelup eria. Na nau i gat pinis 40 sumatin.

Primia bilong Not Solomons Provins, Leo Hannett i bin tok tenkyu i go long ol pipel bilong Melelup long hatwok bilong ol long kirapim dispela Metu Komyuniti Skul.

Em i mekim dispela dispela tok long Mas 7. Na namba tu primia na ministra Bilong Edukesen long provins, Michael Ogio i opim dispela skul.

Moal long 700 manmeri i kamap long taim bilong opim Metu Komyuniti Skul. Ol i harim Leo Hannett i tok olsem, gavman bilong em i laik lukim ol kain selp rilaiens samting olsem i kamap long provins.

Mista Hannett i tok, Gavman bilong em bai amamas tru long givim han long helpim ol pipel husat i go pas long kirapim samting long

tingting na hatwok bilong ol yet.

Minista bilong Edukesen long Provins, Michael Ogio i tokim ol manmeri olsem. "Dispela skul i bilong yupela yet, na i mas lukautim ol pikinini bilong yupela busat manmeri i stap insait long Tinputz Distrik. Dispela skul i mas kisim ol sumatin bilong olgeta kain kain sios."

Namba wan tisa bilong dispela skul em Mista Christine Yuinsi. Em i lukautim nau ol namba wan lain sumatin husat i stap long gret 1.

Fri Sevis Long Mog

I bin i gat sampela komplek long Mosbi haus sik, olsem haus sik i save sasim ol long mani taim ol famili i laik autim bodi bilong wantok bilong ol long ples bilong putim ol daiman.

Tasol long Tunde, Minista bilong Helt Mista Martin ToVadek, i tok sevis bilong putim bodi bilong man long

haus sik em i fri.

Na Mista ToVadek i tok sapos ol wanblut bilong daiman i harim wanpela wokman bilong haus sik i askim long kisim pe orait ol i mas ripotim dispela pasin kwik long suprintenden bilong Mosbi haus sik.

Mista ToVadek i tok, "Em i tru olsem haus sik i save sasim sampela fi long givim marasin long sik man na lukautim sikman. Tasol i no gat pe bilong

putim bodi insait long mog. Na ol wok man i save lukautim mog i no save sasim ol pipel.

Mista ToVadek i tok pasin bilong kisim pe bilong bodi bilong daiman em i brukim lo olsem na plis i wok long lukluk yet long dispela hevi. Sapos plis i painim olsem wanpela wokman i bin kisim sampela mani i kam long famili bilong daiman bai plis i kotim dispela man.



No Gat Wilsia Olimpik Gem

OLIMPIK Gem bilong ol wilsia man bai i no inap kamap long Iionoi, Amerika long dispela yia.

Kosa bilong PNG Wilsia tum bilong PNG, Mista Dik Van de Starre tok, "Siaman bilong bot bilong wilsia resis long Amerika i bin salim wanpela teleks long em long Mas 7 na tok save sem i no gat inap mani bilong kamapim dispela pila."

Dispela teleks i tokim PNG olsem sapos kantri i

Bikos Mani I Sot

laik dispela pila i kamap, orait PNG i mas salim 5,000 Amerika dola i go nau.

Dispela teleks i go long 50 arapela kantri tu husat i bin redi long go long dispela bikpela pila.

Mista Starre i tok, "Mipela i no gat mani long givim i go long Amerika. Mipela i no angting nau long go tu long Amerika bikos

mipela gat samting olsem KI 000 em mipela i bungim pinis long helpim raun bilong mipela long Amerika.

Mista Starre i tok olsem, PNG bai ol askim Australia sapos ol i gat kain pila olsem bilong ol wilsia man, long dispela yia o nogat. Sapos i gat bai PNG tum i go daun na pila long Australia.

Galp Provins Laikim Pemit

PLANTI bikpela na liklik stua insait long Kerema taun na ol arapela taun insait long Galp Provins i sot long ol frut na kumu bilong kaikai nau.

Long dispela as tasol, Primia bilong Galp Provins, Mista Sepoe impot permit.

Karava i singautim nesenel gavman long larim Galp Provins

wantaim ol arapela provins istap longwe long biktaun o siti long kism.

Impot Pemit em ol laisens bilong baim samting i kam long ovasis. Na dispela singaut bilong em i kamap bihain long nesenel gavman i putim strongpela tambu na stapim PNG long kism ol frut o kain kain kumu i kam long ovasis.

Mista Karava i tokaut olsem dispela aidia bilong nesenel gavman long

putim dispela tambu i gutpela. Em bai mekim planti PNG fama na ol manmeri bilong dispela kantri i planim ol frut na kumu bilong ol vet na salim long kism mani.

Tasol Mista Karava i tok, dispela aidia i no inap helpim ol provins husat i stap longwe long ol gutpela maket bilong siti.

Em i tok planti bilong ol dispela provins i stap longwe na i no gat gutpela hap bilong planim frut

Manam I Pairap



Manam ailan i paia.

MANAM maunten paia long Madang Provins i wok long pairap nau.

Ismael Marabui

Maunten paia ya i bin stat long rausim smok na hatpela ston tupela wik i go pinis. Na smok i wok long kamaut yet long maus bilong dispela maunten paia.

Tasol pairap bilong dispela maunten i no bikpela inap long bagarapim ol pipel. Nogat man i gat gaden klostu long maunten paia tu.

Ol hatpela ston em maunten paia i tromoi i

go antap nau i wok long pundaun insait long tupela basis namel long tupela maunten.

Dispela tupela basis i pasim olgeta hatpela ston long kamapim birua long ol pipel. Tru sapos maunten paia i pairap strong tru na rausim het bilong maunten em nau bai ol pipel i ken tingting long ranawe.

I gat klostu olsem 5,000 pipel i stap long Manam Ailan. Long yia 1957, 3,000 manmeri i bin lusim Manam Ailan na ol i ranawe i go long bikples bikos ol save-man i luksave olsem Manam maunten paia bai pairap strong tru.

Stret tru taim olgeta manmeri i stap pinis long bikples maunten i

bin pairap.

Olgeta samting i stap long Manam long taim bilong bikpela pairap i bin bagarap olgeta. Tasol no gat man i bin dai bikos olgeta man i bin stap pinis long bikples.

Long yia 1960 i bin gat narapela bikpela pairap gen. Tasol long dispela taim no gat man i bin ranawe i go long bikples. Olgeta man i bin hait long gutpela ples hait long Manam Ailan yet na taim maunten i pairap gen no gat man i bin kism birua tu.

Ol bikman bilong Madang Provins i no guria bikos bipo yet Madang i bin gat pien bilong helpim ol pipel long ranawe lusim birua

Boda Kompen-sesen

LONG boda lo bilong PNG na Indonesia, ol pipel long viles long boda o klostu long boda i no inap kism kompensesen long dispela tupela gavman sapos soldia bilong ol i bagarapim haus na gaden kaikai.

Benny Bogg

Ol komiti bilong Foren Afeas Dipatmen bilong Indonesia na PNG i no bin kamapim kain lo olsem yet long ol kibung bilong ol long boda.

"Bai mitokim ol komiti bilong Foren Afeas bilong PNG long putim toktok bilong kompensesen long agenda, taim ei i go long Indonesia long kibung wantaim komiti bilong ol."

Mista Rabbie Namaliu, Minista bilong Foren Afeas i tok, taim em i wok long bekim ol askim bilong Micah Wes Wul,


membra bilong Vanimo Grin River, long palamen long Mande 12 Mas.

Mista Wes i askim sapos PNG na Indonesia inap givim kompensesen long ol pipel bilong Wutung na Bewani em ol soldia bilong PNG yet na Indonesia i bin bagarapim haus na gaden kaikai bilong ol long sampea taim i go pinis.

Em i askim gavman long tok save long gavman bilong Indonesia olsem sapos ol soldia bilong Indonesia i laik kam long PNG boda, ol i mas tok save pastaim long PNG gavman na ol pipel bilong Wutung, Amanab, Imonda, Telefomin na ol arapela viles pipel long hap bilong boda.

Mista Wes i tok, "Mi laik save bilong wanem tru na Indonesia Gavman i no bin tok save kwik long PNG Gavman olsem ol pipel bilong Wes Papua i wok long lusim ples bilong ol na ranawe i kam long PNG."

Em i tok, ol pipel bilong ol viles long boda bilong PNG na Indonesia



Rabbie Namaliu



Micah Wes

singaut nau long gavman long makim tupela mausman bilong ol long toktok na narim tok bilong wanem komiti i save kibung na toktok long ol samting i kamap long boda.

Ol pipel i singaut strong bikos, nau yet ol i no klia gut wanem samting i wok long kamap namel long dispela tupela kantri.

Boda Lo

Minista bilong Foren Afeas, Rabbie Namaliu i tok, "Lo bilong boda i tok olsem PNG na Indonesia gavman i mas wok bung na toktok wantaim long wanem samting i wok long kamap long boda bilong PNG na Indonesia. Sapos ol soldia bilong PNG i laik kalapim boda mak, PNG mas tok save pastaim long Indonesia."

Em i tok, ol pipel bilong ol viles long boda bilong PNG na Indonesia

Wankain pasin olsem i mas kamap long sari bilong Indonesia tu.

Mista Namaliu i tokim Memba bilong Vanimo Grin Riva olsem, "Ol pipel i ken makim wanpela o tupela memba bilong ol na mi ken putim em insait long komiti bilong lukluk long boda."

Gavman i saim pinis wanpela boda komiti i go long Indonesia long Trinde Mas 14. Dispela komiti bai toktok tu long nupela lo bilong gavman i givim kompensesen long ol viles pipel long boda, sapos ol soldia i bagarapim haus na gaden kaikai bilong ol.

Seketeri bilong Foren Afeas na Tret, Paulias Matane i go pas long dispela komiti. Man husat i makim ol pipel long Vanimo em Provinsal seketeri bilong Wes Sepik.

Nupela A.H.I. Beng

LONG mun Me nupela Egrikalsa, Haus na Bisnis Beng (A.H.I.) bai kamap long PNG, bihain long palamen i toktok long ol nupela lo bilong dispela tripela beng.

Dispela nupela beng na nesenel gavman i laik kirapim ol i bin stap insait tu long promis bilong gavman long taim bilong nesenel ieksen long 1982.

Gavman i tingting olsem dispela tripela beng bai helpim ol pipel bilong viles stret, wankain olsem ol pipel husat i wokman long ol taun.

Dispela tingting i no nupela samting, olgeta kain gavman bilong nau na bipo i save tokim ol pipel long en.

Klostu 10-pela yia em yumi kamap independen pinis nau na gavman i kamapim dispela ol beng em ol i tok bai

helpim ol bikpela lain manmeri long PNG, husat i stap nau long ples.

Bikpela namba bilong ol manmeri long PNG i stap long ol viles nabaut.

Gavman i laik sanapim ol dispela A.H.I. Beng olsem:

1. Beng bilong Egrikalsa bai kamap tasol long olpela Developmen Beng bilong PNG.
 2. Beng bilong haus (helpim long olpela Papua Niugini Benking Kopresen (PNGBC)).
 3. Nupela beng bilong helpim ol manmeri kirapim wok bisnis bai kamap long olpela Invesmen Kopresen bilong Papua Niugini.
- Long taim Prait Minista Michael Somare i kamapim dispela toktok bilong ol nupela beng long palamen long Mande 12 Mas, em i tok save long ol memba long ol kain wok na samting em ol dispela beng bai mekim.

**WANEM KAIN BENG**

Dispela wik yumi harim stori bilong AHI Beng. Long taim gavman i autim tok long dispela beng long las Novemba planti pipel i harim na ating i swit long yau bilong ol.

Em i gupela tingting bilong helpim ol manmeri insait long kantri. Planti man i save planim hat tru long kisim dinau long ol beng long mekim ol wok bilong ol. Ol kain wok olsem wokim haus, kirapim bisnis na wok egrikalsa. Tasol i gat bikpela askim i stap long ol pipel.

Husat tru bai go pas long mekim ol wok long helpim ol pipel long ol viles longwe husat i laik kisim dinau long dispela beng?

Tingting long ol didiman long provins bilong yumi. Ol inap long tokim yumi wanem kain kaikai bai kamap gut long graun bilong yumi. Ol i save tu long hamas mani wan wan fama i mas dinau long mekim wok bilong em kamap gut insait long planti yia bihain?

Wanem kain nupela save na wok bai ol wokman bilong Developmen beng i givim long ol pipel bilong ples? Planti taim ol man bilong ples i kam askim long dinau. Bekim bilong ol wokman long beng em ... "Papa, Yumi gat hamas pik, graun o kokonas i stap long bek dinau."

WANTOK NUSPEPA

Nius i kamap 52 taim long yia.

Opis bilong Edita na edvetaising long PNG

P.O. Box 1982, Boroko
Telepon: 252500 Teleks: NE 22213
Edvetaising - Ph: 252500

GOROKA
72 2884

PE BILONG WANPELA YIA, 52 NUSPEPA

Ples	Air	Surface
Port Moresby		K16.50
PNG	K29	K29
Australia & Sol Islan	K60	K39
New Zealand & Pacific	K78	K46
America & Europe	K118	K60

Printed and published by Rewan Sidney Callick, of Winter street, Granville, at Allotment 2, Section 209, Hohola.

AHI Beng

Egrikalsa Beng

GAVMAN i gat pinis K41 milion long putim i go insait long Developmen Beng long mekim em i kamap olsem Egrikalsa Beng.

Tasol long wan wan yia gavman i tok long putim K15 milion moa long dispela beng. Olsem tasol, long 5-pela yia bihain, Egrikalsa Beng bai gat K75 milion long mekim wok bilong em yet.

I no gavman bilong PNG tasol bai helpim Egrikalsa Beng long givim mani. Developmen Beng bilong Esia na Wol

Beng bai putim tu sampela mani long helpim dispela beng.

Egrikalsa Beng bai givim dinau mani long husat manmeri i laik kirapim wok bisnis long egrikalsa. Dispela em i namba wan samting Egrikalsa Beng bai mekim. Tasol em inap helpim tu ol grup husat i gat tingting na laikim dinau mani long kirapim

arapela nupela kain bisnis bilong ol.

Gavman i redi long salim nau ol invesmen insait long Developmen Beng em i no pas wantaim ol wok egrikalsa.

Gavman i laik senisim Developmen Beng i kamap Egrikalsa Beng insait long wanpela o tupela yia tasol.

Gavman i tok olsem dispela Egrikalsa Beng

bai helpim ol viles man husat i no gat bikpela graun, na i save strong long gaden kaikai bilong ol tasol.

Gavman bai helpim ol dispela pipel long katim daun mani em ol mas bekim long beng bihain. Gavman i tok long putim 6 o 7 pesen i go long helpim ol dispela kain manmeri taim ol i wok long bekim mani long

Egrikalsa Beng.

Ol pipel husat i laik save moa long wok bilong wantaim Egrikalsa Beng.

Gavman i tok tu olsem ol i ken helpim husat grup i painim hat liklik long bekim mani ol i dinau long en, long Egrikalsa Beng.

Gavman i redim pinis K1 milion long helpim ol grup i painim hat long bekim mani long Egrikalsa Beng long wan wan yia.

Egrikalsa Beng i ken toktok wantaim ol DPI wokman long provins bilong ol. Bikos, gavman i putim Dipatmen bilong Didiman (DPI) long wok

Beng Bilong Haus

PLANTI manmeri bilong PNG inap baim haus bilong ol yet aninit long nupela Haus Beng em gavman i laik kirapim, Praim Minista Somare i tokim palamen long Mande 12 Mas.

Gavman i painimaut olsem planti beng na haus mani i no gat laik long givim mani long husat manmeri i laik wokim haus bilong ol yet.

Gavman i bungim tingting pinis wantaim Supa Anuesen Fan na Nesenel Providen Fan long rot bilong givim sampela milion kina long Beng bilong Haus insait long ol yia bihain.

Dispela tupela fan i tok yesa pinis long givim K4 milion long Beng bilong Haus long dispela yia, na long ol arapela wan wan yia, ol bai givim K2 milion i go long dispela beng.

Dispela ol mani bai go insait long Papua Niugini Benging Kopresen, olsem nupela Beng bilong Haus. Na husat manmeri i laik kisim dinau mani long kirapim haus bilong em yet, bai i ken bekim dispela mani insait long planti yia bihain long

taim em i kisim dinau.

Gavman i tok olsem ol bai katim daun winmani bilong dinau em ol manmeri i kisim long samting olsem tu pesen.

Olgeta manmeri bilong PNG, husat i laik kisim dinau mani long haus bilong ol i ken aplai long dispela beng.

Papua Niugini Benging Kopresen yet bai lukautim dispela wok bilaong givim dinau mani na bungim bekim bilong ol dispela dinau mani. Long dispela kain rot, gavman i ting Beng bilong Haus i ken save long ol development i kamap long wok bilong en.

Nesenel Hausing Komisn bai salim Ensisi Veli Hausing Projek i go long dispela nupela Beng bilong Haus.

Dispela beng bai stretim gut na salim long husat manmeri i laik baim aninit long dispela nupela rot bilong gavman.

Beng bai givim tu ol dispela graun em i baim, long ol manmeri husat i aplai long kirapim haus long Mosbi. Na husat man i aplai long kisim mani long nupela beng bai no inap aplai long kisim namba tu dinau mani long kirapim namba tu haus long Beng bilong Haus.

Difens Fos Marin Bes Kisim Nupela Komanda

MOA long 20 nevi na soldia bilong PNG Difens Fos Marin Bes long Mosbi i mekim liklik asait mas long makim "hanovatakova" senis, we nupela komanda Mesa Richard Amba i kisim ples bilong Leftenan Kenol Reg Renagi long Trinde.

Insait long 12-pela mun i go pinis, Mesa Richard Amba i kamap Maritaim Operesen Ofisa wantaim PNG Difens Fos Hetkota long Mari Berek. Em i save lukautim kain kain wok na ran bilong ol Difens Fos bot i mekim patrol insait long solwara bilong PNG.

Mesa Amba i stap wantaim PNG Difens Fos inap 10 na hap yia nau. Na em i klia pinis long kain wok em i mas mekim long Marin Bes long Mosbi.

Olpela komanda bilong Marin Bes, Leftenan Kenol Renagi husat i wok wantaim PNG Difens inap 20 yia nau bai go kamap Dairekta bilong Menpawa long Difens Fos Hetkota long Mari

Barek. Em i inap holim dispela wok bipo yet long Mande, 5 Mas, 1984. Tasol em we long Mesa Amba i go kisim opis bilong em pastaim.

Leftenan Kenol Renagi i stap komanda bilong Marin Bes long Mosbi inap tupela yia pinis. Na em i amamas long dispela nupela sevis. Bikos dispela senis i stap aninit long rot bilong senisim ol ofisa o hetman bilong wanwan dipatmen long ami insait long olgeta 2 yia.

Em i oke long dispela senis tu, bikos em i mas givim sans long ol nupela opisa i go antap na kisim ples na mekim wok i go het yet. Dispela senis bai larim em i kisim narapela wok insait long nupela opis. Nogut em i stap long wankain opis o posisen olgeta taim na em i skinles.

Insait long dispela wok bilong lukautim Marin Bes, Mesa Amba i mas lukluk gut long wok na ran bilong ami bot long wanwan de. Em i mas larim ol ami bot i raun o lukautim olgeta hap solwara bilong PNG.

NUPELA beng bilong Bisnis bai wok wantaim Invesmen Kopresen.

Dispela nupela beng bai wok yet long givim aut mani long helpim ol manmeri husat i laik statim nupela bisnis bilong ol yet.

Invesmen Fan bilong Invesmen Kopresen em i bisnis bilong em yet na bai no ken go insait long nupela wok bilong dispela Bisnis Beng em gavman i laik statim.

Gavman bai lukluk long Invesmen Kopresen long mekim isi wok bilong givim dinau mani long ol manmeri.

Gavman bai rausim ol arapela bisnis han bilong Invesmen Kopresen olsem Hohola Sol Dring Kampani, Avis Rent A Ka, na Hebamo Pres. I gat ol arapela moa i stap.

Gavman i laik rausim ol dispela bisnis han bilong Invesmen Kopresen na salim ol long husat grup o man i laik baim ol.

Tingting bilong Gavman long ranim Invesmen Kopresen olsem nupela Bisnis Beng i wankain tasol olsem Egrikalsa Beng.

Gavman i ting planti manmeri long PNG bai inap kamapim nupela bisnis bilong ol yet long helpim ol i kisim nau long nupela Bisnis Beng taim

em i ran strong.

Gavman i tok save pinis olsem, husat man i laik save long rot bilong kamapim gutpela bisnis, ol i ken toktok wantaim ol saveman bilong Invesmen Kopresen long helpim ol. Bikos, dispela kopresen bai senisim planti wok bilong em long pulim mani, na traim nau long helpim ol manmeri i painim rot bilong ol yet long pulim mani long bisnis bilong ol.

Long helpim dispela nupela Bisnis Beng i givim gutpela sevis long ol pipel, Minista bilong Industriyel Developmen, Karl Stack i putim pinis ripot bilong dipatmen bilong em long palamen bai ol memba i ken lukim na toktok long en.

Praim Minista, Mista Somare i tokim palamen olsem, sapos ol memba i ting dispela ripot i gutpela, sampela samting long dispela ripot bilong Industriyel Developmen bai helpim tu wok bilong Invesmen Kopresen long go het gut na karim kaikai.

Wok bilong Nesenel Plening Dipatmen tu bai helpim olgeta dispela tripela beng long ran gut. Na minista bilong Nesenel Plening, Mista Paia Wingti i redim nau wok bilong em long helpim ol dispela tripela nupela beng em Gavman i redi long kirapim.

Plis Ripot

Kiva Pirika i gat 10-pela krismas na longpela bilong em i 420 sentimita. Kiva em i bilong Arehava Viles long Ihu, Galp Provins. Ol i bin lukim em long bas stap long Mosbi siti senta.

Wanem man i save long dispela tupela pikinini i mas kamap long Boroko Plis Stesin.

Long Mas 3 olstilman i bin stilim kago long M.E Henderson na Kampani long Rabaul. Pe bilong olgeta samting em K1,500.

Long Mas 9 olstilman i bin stilim kago inap K1,248 long Pokapin Enterprais long Lorengau, Manus.

Komisina bilong plis, Mista Tasion, i laikim ol man husat inap givim tok save long ol samting i bin


lus long yusim hait telipon namba bilong plis taim ol i ringim plis. Namba ya em 22 4294.

Mista Tasion i tok save gen olsem wanem man i laik tok wantaim plis bai i no inap autim nem bilong em yet sapos em i laik.

Wanpela spesel skwat bilong plis i bin bihainim gut wanpela rong we ol stilman i bin brukim wanpela haus na stilim sampela samting.

Nau gutpela nius Plis i sasim pinis wanpela man long wanem man ya i wok long lukautim ol samting em ol i bin stilim. Plis i kisim bek olgeta samting i bin lus long haus ya.

Plis i holim pas 6-pela man bilong wanem ol i bin pait.



Rabaul Maunten Paia Ripot

PLIS Komisina, Mista Tasion, i bin tokaut olsem plis i bin holim sampela man pinis long sampela rong ol i bin mekim.

Mista Tasion i tok plis skwat bilong lukluk long ol bikpela rong, i bin mekim wok bilong ol gut tru na ol i bin holim pas 3-pela man stat yet long las wik Fraide.

Plis skwat i bin holim pas na sasim 2-pela man em plis i ting i bin stap insait long wanpela grup husat i bin stilim K10.000 long Manu Autopot long mun Oktoba, las ya. Taim dispela grup i laik stilim mani ol i paitim wasman bilong dispela bisnis na kisim mani.

Long Novemba, 1982 sampela man i bin brukim Daru Treding na ol i go insait na stilim kaikai, klos, sek, na mani. Pe bilong olgeta samtung em ol man i bin stilim i olsem K11,239.45. Plis i holim pinis wanpela man na sasim em long dispela rong.

Plis i bin mekim sampela gutpela wok tu long ol arapela hap bilong Papua Niugini. Plis i holim pas wanpela man long Lae em plis i ting i bin paitim nogut wanpela liklik meri husat i gat 7-pela krismas.

Long Kundiawa, plis i bin holim wanpela man long pasin nogut em i mekim long wanpela meri. Ol man i bin stilim sek na mani em i winim K3,521, long Mendi. Plis i holim pinis wanpela man em i mekim dispela rong.

Plis i holim pas wanpela man long Kieta na sasim dispela man long stilim K2,326 long Kerare plantasin, long Oktoba 9, 1983. Man ya i bin i gat samtung bilong pait wantaim em long taim em i bin stilim mani ya.

Plis Komisina Tasion i bin tokaut tu olsem ol stilman i bin stilim sampela samtung long Ela Motors long Kieta long Mas 10, pe bilong olgeta samtung i lus em K14,000.

Ol samtung i bin lus em 5-pela moto saikel 120 C.C. (Yamaha), 9-pela helmet bilong moto saikel, 4-pela Honda jeneceta.

LONG Mas 8 ol man i was long maunten paia i tokaut olsem ol guria i wok long kamap aninit long graun i liklik tru. Ol man i no bin pilim wanpela bikpela guria insait long 24 aua.

Long Mas 9 na 10 ol man i save was long maunten paia long Rabaul i tokaut gen olsem masin bilong ol i bin makim sampela guria klostu long Valkan.

Masin bilong makim guria i no bin pilim sampela guria inap 5-pela de olgeta na taim ol liklik guria i bung na kamapim bikpela senis long 9 na 10 Mas, masin i bin stat long pilim guria gen.

Ol dispela guria i bin kamap bikos maus bilong maunten paia i bin senis o muv. Stat long 3-pela wik i go pinis i kam inap namba 9 na 10 de bilong Mas, graun long basis bilong Rabaul i go olsem long Karavia na Valkan i bin solap isi isi. Taim graun i solap i kam antap em i bin surikim graun em i stap antap pinis i go nabaut.

Taim graun i wok long solap em i wok long pusim maus bilong maunten paia strong tru, olsem na maus bilong maunten paia i wok long senis.

Ol i ting sampela moa guria bai kamap taim olsenis i wok long kamap long graun. Tasol graun i no solap hariap olsem na olgeta wok redi i stap yet long stes 2.

Ol man i was long maunten i tok aut olsem bihain tasol long bikpela guria long Sarere olgeta samtung i go bek olsem bipo.

Taun i stap yet long stes 2 bilong redi. Em i min olsem pairap bilong maunten bai i kamap sampela mun bihain.

Mas 11 na 12 ol guria em maunten paia bilong Rabaul i statim i liklik tru. Wanpela liklik guria i bin kamap long 9:55 long Sande nait na guria ya i bin stat aninit long Greet basis.

Wanpela liklik guria i bin stat long Pomio, Wide Be eria long 2:22pm long Sande. Dispela em i no guria bilong maunten paia.

Ol man i save was long Rabaul maunten paia i tok aut olsem i bin gat sotpela senis long Mande nait, i kam inap Tunde. Ol man i bin pilim liklik guria long Rabaul long Mande nait. Dispela guria i bin kamap long wankain we olsem guria bilong Sarere 10 Mas.

Ol pipel bilong Kerevat na Kabaira i bin inap pilim tu wanpela liklik guria. Maunten paia long Rabaul i no bin kamapim dispela guria long Kerevat.

Long Mas 14, meknais bilong maunten paia aninit long graun i slek go daun gen. Meknais i bin go bikpela long Mande nait. Graun i wok long solap isi tru olsem na olgeta wok redi i stap yet long stes 2.

Ol pipel insait long ol eria arere long Rabaul i bin pilim wanpela liklik guria long Tunde nait. Dispela guria i bin stat long Baining 40 mail longwe long Rabaul.

Wanjik Sopotim Rot

BIKPELA plen bilong Is Sepik Provinsal Gavman long kirapim bikrot long Wosera Distrik i go kamap long Ambunti Distrik i kisim tok amamas bilong palamen memba bilong Wosera-Gau, Mista Paul Wanjik.



Paul Wanjik

Ben Wauns

Mista Wanjik i tokim Wantok olsem em i amamas na em i tenkyu tru long Primia bilong Is Sepik. Mista Jonathan Sengi wantaim Provinsal Woks Minista, Mista Benny Gapi. Ol i bin tok orait long givim K100.000 long wokim dispela Wosera-Ambunti rot.

Mista Wanjik i tok bai Provinsal Gavman wantaim Nesenel Gavman i westim bikpela mani nating, sapos ol wokim bikrot long dispela ples Mista Stoni toktok long en.

Mista Wanjik i tok nau i gat moa long 20.000 pipel insait long Wosera eria we dispela nupela rot bai kamap long en. Na ol dispela

pipel i gat planti bikpela kopi na kakao plantasin.

Dispela eria tu i gat planti gutpela graun bilong planim rais long

en. Olsem na nupela rot i ken givim gutpela sans long ol dispela pipel i kisim ol dispela samtung long plantasin i go salim long taun.

I gat bikpela hap graun we Nesenel Gavman i baim long 1960 yet na i kolim Kwanga Setelmen eria i stap namel long Wosera na Ambunti. Tasol dispela hap graun i stap nating nau. Nesenel Gavman wantaim Provinsal Gavman i ken putim skul, haus sik na planti haus bilong

wokman na arapela samtung moa insait long setelmen eria.

Mista Wanjik i tingting long subim nesenel gavman long kirapim dispela Wosera-Ambunti rot long 1985-86 aninit long Nesenel Plening na Ekspendisa Program bilong en.

Mista Wanjik i laikim ol pipel long ilektoret bilong em i bihainim tingting bilong em na helpim Is Sepik Provinsal Gavman wantaim ol wokman bilong Nesenel Gavman long kirapim dispela rot.

Em i laikim ol pipel i givim han na wokklostu wantaim kampani husat bai wokim. rot. Na ol pipel i no ken stapim dispela wok na singau-

tim gavman long kisim kompensesen pe bilong graun em rot bai karamapim.

Mista Wanjik i gat tripela astok i egensim tingting bilong Mista Ston long bringim mani na kirapim rot long Dreikikir-Ambunti.

Em i tok namba wan astok bilong em olsem dispela hap ples namel long Dreikikir na Ambunti i longpela tumas. Na i no gat inap mani long kirapim rot long dispela hap.

Na namba tu astok i kamap olsem i no gat planti viles na manmeri i stap long dispela hap ples namel long Dreikikir na Ambunti. Olsem na i no gat gutpela long putim bikrot long dispela hap

Abaijah Tekova Long Dwyers Kampani

WANPIS meri husat i kirapim Papua Besena Pati na i kamap palamen memba bipo bilong Sentral Provins, Mis Josephine Abaijah bai tekova long Dwyers Kampani long Mosbi.

Dispela Dwyers Kampani i ranim bikpela bakstua husat i save saplai long kain kain samtung bilong yusim insait long

opis i go long planti hap bilong PNG.

Bikpela bung bilong makim dispela tekova bilong Abaijah bai kamap long Mosbi long dispela Fonde, 15 Mas, 1984.

Mis Abaijah i bin baim-of Dwyers Kampani liklik taim bipo, tasol em ino tok klia long mak bilong dinaumani em i bin kisim long PNG Benking Kopresen na mekim dispela samtung.

Na nupela lain wokman husat bai wok aninit

long Abaijah i go insait long opis bilong Dwyers tupela wik bipo.

Mis Abaijah i ranim Boroko Nius Ejenis stua tu. Em i tokaut long Mande olsem bai em i larim dispela nem "Dwyers" istap yet long dispela kampani em i tekova long en.

Namba wan pikinini man bilong Mis Abaijah, em Robert husat i gat 21 krismas nau i bung wantaim mama na i

kamap papa tu long dispela nupela kampani bilong ol.

Mista John Dwyers em i man husat i kirapim dispela kampani. Tasol em i salim kampani long Mis Abaijah nau. Tasol planti manmeri long Mosbi i klia long Mista Dwyers husat i wnpela bilong ol lain bosman skwas pilai long Mosbi.

Dispela kampani Abaijah i tekova long en nau i gat het opis bilong en long Mosbi Siti.

Yut Kisim Fotnait Pe

Inspekta Bilong Lo long Wewak Taun Kaunsil, Mista Eddie Maik i tok olsem, i gat 6-pela yut grup long Wewak husat i save wok klostu tru wantaim Is Sepik Provinsal Gavman long ol developmen long taun na ol setelmen na viles eria. Mista Maik i no givim

nem bilong dispela 6-pela yut grup, tasol em i tok, gavman bilong Is Sepik i gat nupela tingting nau long givim mani long ol yut grup husat i save wok long helpim komyuniti, long olgeta fotnait.

Em i tok olsem, "Dispela em i namba wan taim mipela i traime dispela

pasin na nau yet, mipela i tingting long givim ol dispela 6-pela yut grup fotnait pe bilong K300 inap 6-pela mun olgeta.

Em i tok sapos olgeta samtung i ran gut, bai provinsal gavman i skruim fotnait pe ya i go inap wanpela ya olgeta. Dispela mani em Yut

Dipatmen bilong Is Sepik Provinsal Gavman i wok long helpim ol yut grup bilong en i kam long Nesenel Gavman long baset bilong yut.

Nesenel Gavman i bin givim K90 tausen long 1984 baset i go long Is Sepik Provins long tingim ol yut.

KOPI PRAIS	
Gret	Maun Hagen — K1.20 -
Y - K1.80 inap K1.98	Wapenamanda —
X - K1.87 inap K2.03	Lae — Arabic- K1.00 -
A - K1.95 inap K2.06	K1.15
Robusta — K1.58 - K1.70	Robusta — 75t - 85t
	Wewak Robusta — 75t - 85t
Kainantu — K1.15 - K1.16	Madang Arabic — 80t
Goroka — K1.15 - K1.22	Robusta — 70t
Kundiawa — K1.25	
Minj/Banz — 95t - K1.28	



YUSIM GAS TASOL LONG 1984!

Em i no dia tumas olsem lektrik pawa

Gras Rut Komiti

OL pipel bilong Goroka i kamapim pinis wanpela komiti ol i kolim Gras Rut Lo Komiti.

Wok bilong dispela komiti em, long tok save long ol plisman long wanem hap ol trabel i kamap, na ol pipel husat i kamapim ol trabel.

Pauline Laki

Dispela komiti bai mekim wok long lukautim Goroka na ol ples arere long taun.

Long Mande, ol dispela gras rut loman i kisim "ID kat" pinis long wanpela bung wantaim long Goroka taun. Dispela kat i tok save long nem bilong man na wanem hap em i kam long na eria em i lukautim insait long Goroka taun.

Dispela gras rut lo komiti em i aidia bilong Sam Kuso husat i Provin-

sal Gainens Minista. I gat 50 pipel husat i memba long grasrut lo komiti.

Ol i kirapim dispela komiti bihain long kain kain trabel olsem bagarapim meri, brukim haus stihm samting na ol kain kain birua i bin kamap long Goroka. Ol dispela trabel i kamap bikpela long mun Oktoba, Novemba na Desemba las via.

Provinsal gavman i bin sapatim dispela aidia na gavman yet i laik bai kain komiti olsem i mas kamap.

Ol memba bilong komiti bai i no inap kisim wanem kain pe. Bai ol wok nating olsem helpim kompyuniti long laik bilong ol yet.

Provinsal Plis Komanda bilong Isten Hailans, Tony Wagambie i tok olsem ol dispela 50 pipel i makim ol liklik eria

long Goroka. Na ol i no ol bikman bilong gavman. Nogat, Ol dispela man va i stap long ol setelmen na ol viles i stap klostu long taun.

I gat tupeia bikpela setelmen i stap long Goroka. Em Genoka na Piswara. Na moa long 2.000 pipel husat i stap long dispela tupela setelmen i kam long olgeta hap long kantri.

I gat liklik blok bilong ol Morobe, Simbu, Hagen na ol arapela lain.

Nau i gat ol loman i sanap pinis long was long trabel long ol dispela blok. Moa memba bilong dispela komiti i kam long dispela tupela setelmen.

Mista Wagambie i tok ol dispela gras rut loman olsem ol i no gat pawa olsem plis i gat. Wok bilong ol i bilong go tok save tasol long plis long wanem ol lain i mekim


trabel, o i laik brukim lo. Wagambie i tokim Wantok olsem sapos trabel i kamap long wanpela lain haus bai Plis i go stit long kisim loman bilong dispela setelmen. Na em bai helpim ol plisman long wok bilong ol.

Mista Wagambie i tok sapos ol dispela loman i no wok gut na ol yet i stap insait long trabel. Em bai plis i rausim dispela ID kat na ol man nating gen.

Sapos ol dispela man i ting ol i bikman nau long dispela liklik pawa ol i gat long en a i laik hambak, bai ol plis i mekim save long ol tu.

I gat narapela grup tu i stap long Goroka. Dispela em "Eben Kraim Prevensen Komiti."

Ol lain memba long dispela em ol Bisnismen na ol arapela man bilong ol ovasis kantri husat i



Ol plisman bai wok wantaim ol lida bilong setelmen long stapim trabel.

stap long Goroka.

Dispela komiti i bin stat long Novemba las via bihain long ol trabelman i bin bagarapim wanpela waitmeri long Goroka.

Dispela komiti i save tok save long husat nupela pipel bilong arapela kantri i kamap

long Goroka long wanem ol rot bilong bihainim.

Ol i save givim aut ol liklik buk na muspepa i gat ol kain kain tok save long en.

Plis Komanda Wagambie i tok trabel long Goroka i wankain olsem long ol bikpela senta long

arapela provins. Tasol i no em i tok ol trabel n birua i save kamap long Mosbi siti i winim Goroka.

Em i tok tu olsem em i amamas long ol pipel i sindaun insait long taun i soim olsem ol yet i laik helpim sindaun bilong ol.

Palamen

MEMBA bilong Telefomin, Felix Hat Tapineng i askim gavman long tok aut long palamen sapos gavman bai kirapim wanpela saplai bes bilong marasin long Wes Sepik Provins.

Em i tokim palamen long Fraide, olsem planti pipel bilong em long Telefomin. Ok Tedi, Ok Sapmin na ol ples olsem i no save kisim marasin, bikos ol dokta boi i tokim ol olsem marasin saplai i pinis.

Namba tu bikpela tok em Tapineng i mekim i olsem, ol manmeri long boda bilong PNG na Indonesia i mas gat saplai bilong marasin oltaim. Bikos sapos ol i no kisim marasin, ol i ken bringim sik nogut bilong Indonesia i kam insait long PNG.

Em i askim gavman sapos ol i gat inap mani long baim marasin na saplain ol long ol haus sik long olgeta hap bilong kantri.

Minista bilong Helt, Martin ToVadek i tok klia long palamen na Felix Tapineng olsem, bai em i kirapim wanpela saplai bes bilong marasin long Vanimo taim namba tri hap bilong Vanimo haus sik i pinis.

Em i tok olsem, "Bai mi sekap wantaim dipatmen bilong mi long painimaut bilong wanem ol i no redim yet dispela saplai bes."

Mista ToVadek i tokim palamen tu olsem PNG i no sot long mani o marasin. Em i tok olsem, hevi i stap long transpot. Bikos sampela haus sik i stap longwe long rot na ples balus, ol etpos odeli i save les liklik long wokabaut na kisim marasin long ol patrol pos. "Gavman i gat inap mani long baim marasin i kam long Australia na ol arapela kantri."

Bagarapim Goilala Haiskul

Mista Louis Mona, Memba bilong Goilala i tokim palamen olsem ol pipel bilong em na em yet i no amamas long Edukesen Dipatmen na Minista Barry Holloway.

Em i tok olsem Edukesen Dipatmen i no bin lukluk long ol studen bilong Goilala Haiskul long las yia.


"Mista Mana i tok, em i namba wantaim tru bilong Tapini Hai Skul i putim aut ol gret 10 studen long 1983, bihain long dispela skul i kamap. Tasol no gat wanpela bilong ol dispela greduet i bin go long nesene haiskul.

Mista Mona i tok olsem, "Mi laik save husat i no mekim wok bilong em na i rong, bikos ol i no lukluk long ol greduet bilong Tapini. Bot Ov Dairekta long dispela skul long Tapini o em i rong bilong Edukesen Dipatmen?"

"Sapos kain samting olsem i kamap gen, Mosbi bai pulap tru long ol skul liva. Mi sori tru olsem ol yangpela studen long Tapini i no gat sans long go skul long ol nesene haiskul."

Minista bilong Edukesen, Barry Holloway i tok olsem em i no save olsem no gat studen bilong Tapini haiskul i bin go long nesene haiskul. Na em i tok bai em i painimaut long as bilong dispela na tok save long Mista Mona.

OK Tedi I Minim Wanem Samting Long Yu



Olgeta kantri igat namba bilong ol. Sampela igutpela sampela inogut. Papua Niugini igat bikpela namba tru long planti ol kantri long wol. Ol bikpela bisnis olsem OK Tedi ihelpim long givim gutpela nem long Papua Niugini.

OK Tedi Maining Limited igat bilif long Papua Niugini olsem na i kirapim wok long ol narapela kantri olsem Papua Niugini i wanpela strongpela kantri long kirapim bisnis.

Olgeta wok bisnis long Papua Niugini ikamapim ol wok taim moni ikam insait long kirapim ol bisnis.

Bikpela bisnis olsem OK Tedi ihelpim lokal bisnis olsem, wok didiman, balus kampani bilong haus, wokim ain na planti moa ikisim helpim wok long OK Tedi.

Tok orait namel long gavman na OK tedi long 1976 i wanpela gutpela promis tru namel long wanpela gavman na bikpela kampani long wol. OK Tedi bai mekim planti wok moa antap long kamautim gol na kopa. Em bai mekim Papua Niugini olsem wanpela strongpela kantri — wanpela gutpela ples bilong kirapim bisnis.

So taim yu ting long OK Tedi-ting long bihain taim.



OK TEDI MINING LIMITED

Skul Studen Yusim Komputa Masin

Ol studen bilong Fatima Haiskul insait long Banz, Westen Hailans Provins i wok long yusim ol komputa masin nau insait long klasrum.

BILL CHAKRAVARTI

Long wok kaunim bilong 1980 Nesenel Sensas i gat samting olsem 900 manmeri i stap insait long dispela liklik taun, Banz namel long Waghi Veli, Westen Provins.

Na ol manmeri bilong dispela taun i tingim wok bilong lukautim kopi na salim long painim mani i nambawan rot tru. Tasol dispela tingting i senis nau. Bikos ol pipel i wok long muv i go klostu long bikrot bilong Hailans Haiwe na salim ol samting bilong ol na kisim mani.

Tude, Banz i kamap wanpela "liklik kauboi taun," we ol manmeri bilong dispela taun i ken luksave long wanpela ausaitman kwiktaim. Na ol bai traim grisim dispela ausaitman long lusim mani long baim kain kain samting bilong dispela taun. Tasol tingim gut!

Ol dispela samting ol i grisim ausaitman long baim i no kamap long wok bisnis! Ol i tingting long pusim mani long tromoi mani long ol narapela samting nabaut.

Tasol long Fatima Haiskul, samting olsem 400 man studen i skul na lainim pasin bilong yusim komputa masin. Dispela skul i bin kirap long strong bilong Katolik Misin na em i stap 10 kilomita longwe long kauboi taun (Banz).


Em i skul bilong ol yangpela man tasol. I no gat meri studen. Na ol dispela man studen i klia pinis long kain kain gutpela samting kom-

puta masin i ken helpim ol long mekim i kamap isi.

Olgeta arapela haiskul insait long Papua Niugini i no gat komputa. Na planti studen bilong ol dispela arapela skul bai kirap nogut tru, sapos wanpela man o tisa i karim komputa masin i go insait long klasrum bilong ol namba wan taim. Ol bai belsut stret na, askim olsem, "Olanam! Em wanem kain samting nau ya?"

Ol dispela studen bilong Fatima Haiskul i laki tru. Bikos ol i namba wan lain studen long yusim komputa masin insait long dispela kantri. Tasol komputa masin insait long skul bilong ol i no kamap nating. Nogat!

Ol studen yet i gat bikpela laik tru na i wok hat long painim mani long strong bilong ol yet na kisim i go long skul.



(B) Ol studen bilong Fatima Haiskul i wok long skul long yusim Ol Apple II komputa.

BAI yu yet i ting olsem dispela stori i no tru. Long wanem em stori bilong wanpela ples insait long Papua Niugini we yu ting i no gat planti nupela samting i save kamap long en.

Tasol dispela stori em i tru.

Dispela bikpela laik na hatwok bilong ol i karim kaikai. Na ol i yusim mani bilong ol long baim komputa masin long Burns Philip Bisnis Sistem long Lae na Mosbi.

Ol dispela studen i planim ol kaukau na kain kain kumu long skul gaden na salim gen. Taim ol dispela kaukau na kumu i planti moa i abrusim mak ol i givim long haus kaikai (mes) bilong ol, orait, ol i kisim hap na salim long painim mani. Na ol i save kisim bikpela profitmani tu long liklik skul kantin (tretstua) na bungim wantaim.

Ol i bungim mani i go kamap bikpela na ol i go lukim Burns Philip Bisnis Sistem namel long las via, 1983. Orait. Ol i baim tripela "Apple IIe" komputa masin na wanpela "National 66

sentimita" televisen masin.

Man! Ol dispela studen i amamas tru taim komputa masin i go stap long skul bilong ol. Na ol i laikim tru long sindaun na presim ol baten bilong komputa masin na lukim ol piksa na namba i kamap long glas i stap baksait.

Dispela bikpela laik long pilai pilai wantaim ol baten bilong komputa masin i mekim na wanpela senia studen, Simon Mete i kamap saveman tru long yusim ol masin. Em yet i klia long putim program na yusim komputa long mekim kain kain ritrait.

Orait. Bihain long taim ol i klia long ol baten ol kibot bilong komputa, ol i ken go het moa long mekim ol hatpela program o asait.


I gat kain kain trik em komputa i ken mekim, tasol ol studen i mas traim traim long yusim masin na klia moa long lainim ol program bilong ol samting ol i lainim long skul.

I gat wanpela subjek bilong skul ol i kolim "komputa karikulum." Na ol studen bilong gret 7, gret 8 na gret 9 i mas skul long dispela subjek tu.

Planti studen bilong ol arapela skul bai i no inap klia long dispela samting. Tasol Fatima i no gat wari, bikos ol i gat komputa masin pinis!

Brata Ian Carroll i tok olsem ol i lainim ol studen long we bilong yusim komputa wanwan taim na isi isi. Na ol studen yet i go het na mekim ol samting ol i lainim long tisa. Ol studen bai amamas tru.

Ol studen i ken kirap nogut long mekim mistek na lukim kain kain samting i kamap long glas "bilong komputa. Na ol bai laikim tru long painimaut moa kain kain nupela trik em



Simon Mete... (A) Wanpela bilong sampela studen bilong Fatima Haiskul husat i gat bikpela save tru long komputa i wok long mekim program bilong komputa long las via. Simon i skul nau long Sogeri Nesenel Haiskul.

komputa i ken mekim kamap.

Tasol ol studen i mas klia long pasin bilong yusim kibot o baten bilong komputa na mekim kamap wanpela program ol i gat laik long en. Na ol i no ken ting olsem komputa masin i wankain olsem ol buk bilong yusim na raitim ol samting long en.

Ol studen insait long gret 10 i stap insait long wanpela kos we ol i mas skul gut long we bilong ol komputa i mekim kamap ol program. Na ol dispela program i gat ken tokples em ol manmeri i yusim komputa i mas klia gut long en. Na ol i kolim dispela kain kos olsem "BASIC."

Long Tok Inglis em (Beginners All-Purpose Symbolic Instruction Code). Ol dispela studen long gret 10 i mas lain ol dispela we bilong yusim ol ki o baten na i klia long kain kain nem bilong ol samting em komputa masin i save mekim kamap.

Na bihain long ol dispela gret 10 studen i klia long dispela namba wan "BASIC" kos ol i ken go het moa long lainim ol arapela kain program we komputa i

ken mekim kamap. Wanpela bilong ol dispela program olimas lainim bihain, em kain "wot-prosesa" program ol i kolim ZARDEX. Simon Mete husat i klewaman bilong yusim komputa i abrusim ol arapela studen na i go het moa long mekim nupela program wantaim komputa.

Em i klia pinis long kos o program, BASIX na ZARDEX. Orait. Tingting bilong em i klia tru na em i go het moa long raitimaut program bilong em yet wantaim komputa masin.

Simon yet i raitimaut wanpela kain kosting program we em i ken painimaut prais bilong kain kain samting ol i baim insait long planti hap bilong PNG.

Dispela program i ken tokaut long prais bilong wanpela samting long stua, hamas mani yu mas lusim long karim dispela samting i go long haus bilong yu na hamas profitmani yu ken kisim, sapos yu salim dispela samting gen.

Menesa bilong skul tretstua i lukim dispela program bilong Simon na em i gat bikpela laik tru long yusim. Em i ken yusim dispela

program long painimaut mak bilong mani long baim samting, prais bilong en, hamas profitmani ol i mas kisim long ol kastama.

Em komputa i ken soimaut wanem samting ol i laik painimaut long en.

Brata Carroll i gat bikpela laik tru long yusim komputa tu. Na em i tok, "Dispela aidia bilong mi long bringim komputa i kam insait long Fatima Haiskul i gat nupela as. Mi laikim ol studen i yusim dispela nupela masin na klia long kain kain samting dispela masin i ken mekim kamap."

"Taim ol studen i go ausait long painim wok long ol biktaun, bai ol i no inap kirap nogut tru long lukim kain kain nupela masin. Na dispela komputa masin i opim rot bilong ol long lainim na luksave long kain kain komputa masin.

"Sapos ol i amamas long kisim dispela wok lainim na yusim tingting bilong ol yet long mekim ol program, em i namba wan rot bilong lainim ol arapela bikpela samting i kam bihain taim.

ISUZU

PAOA

N.G.M

ISUZU

HRD 4290

PNG Cracker and.....? Laik Bilong Yu!



**NUPELA
KARAMAP!**

PNG Crakers, ol pipel i save daunim spet tru long kaikai wantaim sis, tomato, pis, pinat bata, kiau, na ol arapela samting.

Traim PNG Crakers tude... nau i gat nupela 200 gram karamap.

PNG Crakers i kam long Morobeen....

Painim long ol gutpela stua long olgeta hap.

Morobeen
BISCUITS

SIONI 1

HONDA FARM BIKES

- * Nogat wok bilong miaksim fiul
- * Liklik meintenens
- * Em i strongpela olgeta taim

MIPELA I WINIM OL NAMBAWAN MAK PINIS,
OL SAMPELA I TRAIM YET



HEB 2210

Igat long

Steamships-MACHINERY

na ol locol Honda motosaekol dila long hap bilong yu.



COLLEGE OF EXTERNAL STUDIES

Going Places

High School at home - COES helps
you with your studies



COLLEGE OF EXTERNAL STUDIES

88

COES Provincial Centre Mount Hagen


My name is Piri Dagam and I am the COES Co-ordinator for the Western Highlands Province.

At present there are between 400 and 500 COES students in the Province. They can bring or send me their workbooks for marking. I arrange for this to be done so they soon have their corrected workbooks back.

New students can do their Entrance Exam here or in a large room. Students can enrol and collect their lessons immediately.



Piri Dagam




Student doing Entrance Exam.

At present my office is in the Mount Hagen Local Government Council office building. Students may return workbooks for marking at any time by placing them into the box outside the office. In the office I have a small library of books that students may borrow for extra reading about their course.

Next month this COES Provincial Centre will move to its own new office next to the Public Library.

Please call in and see me or contact me:

COES Co-ordinator,
P.O. Box 418,
Mt. Hagen, WHP.
Tel. 52 1194




Living and Learning



Measuring Area

Here is the plan of a house.



Which takes up the most space: bedroom 1, bedroom 2, lounge, or verandah?

We find the area

Area is the amount of surface.

We find the AREA to see which takes up the most amount of space.

AREA is the AMOUNT OF SURFACE.


To find the AREA of a room, we multiply the length by the width.

AREA OF LOUNGE = 8 x 6 m² = 48 m²

So the AREA is 48 square metres.

What is the area of this basketball court?

Length = 25 metres
Width = 15 metres
Area = 25 x 15 m²
= 375 m²



There for the area is 375 sq metres.

When measuring the area of land, we use a bigger unit of measure called a HECTARE.



How big is a HECTARE?



A HECTARE IS 10,000 square metres.

It's the area of a square
100 metre long and
100 metres wide.

Square metre and hectare are Metric Units. We use these now. Earlier, we used the Imperial Units to measure area.

In the Imperial (British) Units we used square feet to measure areas of rooms, etc. We used ACRE to measure land.

How does a square foot compare with a square metre?
Or an acre with a hectare?



SOME USEFUL CONVERSIONS

Imperial to Metric

1 acre = 0.405 hectare
1 sq foot = 0.093 m²

Metric to Imperial

1 hectare = 2.47 acres
1 square metre = 10.764 sq.ft.

The conversion table helps us to decide this.



David Kaputin bilong Kabiu i redi wantaim bat na sambai long givim hatwan long bal. Tasol tim bilong em i no inap go insait long semi fainal.

Sambai Long Semi Fainal

BIKPELA taim bilong traime insait long Mosbi Sofbal kompetisen bilong ol man bai kamap long dispela Sande.

Long wanem 4-pela top tim insait long "A" gret i go inap long "E" gret bai pilai insait long namba wan semi fainal. Na ol tim husat i win long semi fainal nau bai go het yet long gren fainal resis long tupela wik bihain.

Insait long "A" gret sofbal resis long Daimon 1, bai Malangan i salensim BP Elkom long 2 klok

apinun. Na bihain long en bai Gasel i mekim kamap bikpela resis gen wantaim NGI long 4 klok apinun.

Malangan i gat planti bikpela na strongpela lain bata husat i gat nem long hamaim bal i go longwe tru na skoim ol ran.

Elkom i laki tru long daunim Kabiu aninit long draipela ren las wik na i mas trai hat moa long daunim Malangan. Sapos liklik ren pundaun na mekim bal i wel, em bai pitsa bilong Elkom, Oswald Tolopa i mekim tim bilong em i wilwilim Malangan.

Gasel i bin tantainim NGI na daunim ol 14-0

long Sande, 22 Januari, 1984 na dispela birua i stap long tingting bilong NGI yet.

Gasel i bin winim NGI, bikos i gat planti skindai pilai i kamap long infil bilong NGI. Tasol dispela skindai sik i pinis long taim yet na Gasel i mas lukaut.

Sapos Gasel i traime pilai kaskas gen long NGI long dispela semi fainal resis, sori tumas, em bai Gasel i no gat nem long kisim namba bilong "king" insait long gren fainal. Tasol NGI i no ken hambak. Long wanem Gasel i promis pinis long givim wankain marasin bilong 22 Januari long NGI gen.

Resis bilong "B" gret tu bai kamap long Daimon 1. Elkom bai egen-

sim Sankaro long 10 klok moning na Yokomo i salensim Gasel long 12 klok apinun.

Dispela dro bilong ol i sambai tasol na wetim pilai namel long Elkom na Fuji long Trinde apinun, 14 Mas, 1984.

Sapos Fuji i daunim Elkom em bai Fuji i ken bungim Sankaro long Sande. Na husat tim i putim kamap smatpela pilai namel long Elkom-Fuji long Trinde i ken go insait long semi fainal long Sande.

Insait long "C" gret resis, bai YMCA-Adkol i pait long bat-na-bal wantaim Gasel long 2 klok apinun insait long Daimon 3.

Bihain long dispela pait resis, em bai Sankaro i salensim Mazda Kaps.

Ripot bilong ol dispela "C" gret i no bin kamap long niuspepa bipo olsem na em i hat tru long tokaut long winas bilong ol dispela pait resis bilong ol.

Sofbal dro bilong ol "D" gret tim i putim Yokomo long seksekim blut wantaim Karanas insait long Daimon 3 long 10 klok moning. Orait. ESA na Fuji bai engsim ol yet long 12 klok apinun.

Tok piksa bilong makim ol wina bilong ol dispela pilai bilong "D" gret i hat tru. Tasol i luk olsem Yokomo na ESA bai wilwilim birua bilong ol na bung gen long gren fainal.



Finsafen Soka Nius

TRIPLELA wik i go pinis, Finsafen Soka Asosiesen i bin makim ol man bilong go pas long ol long 1984 soka sisen.

Ismael Marabui

Nupela presiden bilong Finsafen Soka Asosiesen em Mista James Kabi. Vais Presiden em Musali Geame. Mark Peter i kamap seketeri na wok bilong bosim mani bilong Asosiesen i go long han bilong Leo Kannam.

Bipo Kabi i bin Pablisiti Opisa bilong Lae Futbol Asosiesen na planti man husat i save harim Kalang Sevis (Redio 2) bai inap tingim yet nek bilong dispela man.

Kabi i save kamap long redio long toktok bihainim pilai soka (laip brotkas) long tripela yia olgeta long taim em i stap long Lae. Kabi em i kosa bilong Buresong Soka Klap.

Kabi i stap nau long Finsafen na em i gat bikpela tingting long kirapim pilai soka long Finsafen. Em i tingting long kirapim soka kompetisen bilong ol meri. Na em i laiklukim Finsafen i stap insait tu long nesanel soka taitel em bai kamap long Rabaul long dispela yia.

Tupela wik i go pinis Mista Kabi i bin kibung wantaim eking presiden bilong Lae Futbol Asosiesen John Peka. John Peka i kosa bilong

Lae Buresong klap.

Tupela i tok orait long ol i holim klinik long wok referi na wok kosa long mun Me na Jun.

Lae Spot Opisa na Lae Futbol Asosiesen bai helpim ol long ranim dispela klinik bilong soka.

Vais Presiden, Musali Geame em i bilong Nasingalatu na em i wanpela skul inspekta. Save bilong em long wok Edukesen bai i helpim long skruim save bilong pilai soka i go moa yet long Finsafen.

I gat 10-pela klap i putim nem pinis long pilai insait long Finsafen soka kompetisen. Ol tim ya em Dregerhafen haiskul, Buresong, Luteran Yut, FK, Scarlet Beach, Mediks, Blu Kumul, Aiwa, Swam na Mandara.

Bihain long ol gem bilong painim strong bilong olgeta klap bai ol i brukim ol tim i go olsem; bai i gat 8-pela tim long "A" gret na 8-pela tim long "B" gret.

Soka Asosiesen bilong Finsafen i ting Nasingalatu, Dregerhafen, Mediks na Gagidu bai putim ol tim bilong ol meri tu long kompetisen.

Nokaut kompetisen bilong ol man i bin stat 3-pela wik i go pinis. Na Buresong soka klap i bin winim olgeta gem bilong en na i bin go stret long gren fainal.

i go moa long pes 15

TOYOTA HILUX

Em bun bilong Papua New Guinea



Hilux i tubuna kar bilong yumi Planti pipol i baim bikos em i strong Na igat planti kain ius bilong en.

Yu ken iusim long karim pasindia wantaim kago. Karim pasindia wantaim kakau, kopra na kopi.

Draivim nupela Hilux

Nupela HILUX

IKAM LONG TOYOTA

Long yia 1984, Toyota i bringim gen nupela Hilux Nupela ensin em is strong na moa iet. Bun (Sasi) bilong em i strong moa iet.



Ol i penim ananit bai noken ros kwik Stail bilong em i moa iet Sia bilong sidaun i gutpela

Em nau, na Toyota Hilux long 4 x Wil i bun tru Bilong Papua New Guinea.

ELA MOTORS

TOYOTA

WHEELS FOR THE NATION

PORT MORESBY	21 7036	LAE	42 2322
MT HAGEN	52 1888	RABAU	92 1988
KIETA	95 6083	MADANG	82 2188
WEWAK	86 2255	KIMBE	93 5155
POPONDETTA	29 7240	GOROKA	72 1844
KAVIENG	94 2132	TABUBIL	



A MEMBER OF THE **Burns Philp** AUTOMOTIVE DIVISION

A GRET

TEAM	W	L	D	P
Gasel	15	3	0	30
NGI	12	3	3	27
BP Elcom	11	6	1	23
Adev MI	10	5	2	22
Kabiu	10	6	2	22
Mazda K	8	8	2	13
B.Igels	7	11	1	14
Demons	5	13	0	10
Agogol	3	13	1	7
Chebu	2	15	1	5

B GRET

Nissan GZ	12	4	1	25
Yokomo	10	6	1	21
Sankaro	10	7	0	20
BP Elom	9	6	1	19
Fuji	9	7	0	13
YMCAAD	8	8	1	17
Avdev ML	6	8	3	15
NGI	6	11	0	12
Kabiu	5	11	1	11

C GRET

YMCAAD	13	3	1	27
Sankaro	10	5	2	22
Gasel	11	7	0	20
Mazda Kap	10	8	0	20
B.Igels	9	8	1	19
Karanas	8	8	1	17
Chebu	6	8	1	13
Kerevat	6	11	0	12
Agogol	5	13	0	10
Hansabe	4	11	1	9

D GRET

Yokomo	14	2	0	28
Karanas	10	6	0	20
ESA	8	7	1	17
Fuji	9	7	1	17
Taubar	6	8	1	13
Kabiu	6	10	0	12
Demons	6	9	0	12
Avdev ML	5	7	1	11
Aviat	3	12	0	6

E GRET

NGI	12	2	1	25
Nissan GZ	10	4	1	21
Tarangau	9	5	2	20
YMCA AD	9	6	1	19
Kerevat	7	8	1	15
ESA	5	10	1	11
Taubar	5	8	1	11
Kabiu	4	11	0	8
Karanas	3	13	0	6

SOFBAL DRO - OL MERI

SARERE 17 MAS, 1984

DAIMON 1

TAIM	TIM	REPERI
1.30	Mazda Kap V Yokomo	A.K'pia
3.00	Agogol V Gasel	J.B'ton
4.30	Wantoks V Kapit	J.Pidik

DAIMON 2

12.00	Malangan V Manolos	E.George
1.30	Kabiu V Hansabe	C.H'kin
3.00	Togelu V Sankaro	R.K'edo
4.00	Yomba V Mazda Karpis	R.T'ome

DAIMON 3

10.30	Agogol 2 V Gasel	D.Tamia
1.30	Malangan V Douglas	M.Karo
3.00	Yokomo V Insurens	N.P'gan
4.30	N.Datsan 2 V Taubar	T.R'mond

Kumul Balus Joinim Air Niugini

MOSES Sipaih, olupela straika bilong Kumul Primia tim long 1983 i holim nau stia bilong Air Niugini.

Benny Bogg

Moses em i nupela straika na fowat bilong Air Niugini seken divisen tim long Mosbi.

Long namel bilong las yia, Moses i kalap long Kumul tim long Primia gret, we em i wanpela gutpela straika wantaim Caspar Logoson. Nau, Caspar yet i save traim strong long sapotim Kumul.

Namba tu straika, Caspar Logoson bilong Kumul na kepten - Kosa, Baku Koibi i bin traim hat tru long holim tim bilong ol long namel bilong lata long primia gret, long las yia. Tasol wanpela straika bilong Kumul i no stap na Kumul i lus na go daun long namba tri ples olgeta long Mosbi primia gret.

Moses Sipaih em i bilong Manus Ailan, Wankain olsem planti



Long fran, lindaun i go long lephan em Moses Sipaih. Sanap long baksait long lephan tru em Kosa Baku Koibi na long namel lain lephan tru em Caspar Logoson. Kumul tim long 1982.

arapela Manus soka pilaia, em i wanpela smatpela fowat.

Kumul i bin lusim wanpela gutpela straika bilong ol long taim Moses i go joinim Air Niugini.

Long taim Moses i joinim Air Niugini, em i helpim dispela nupela klap bilong em long win long gren fainal bilong ol long pinis bilong 1983

sisen.

Air Niugini i bin stap long Mosbi seken divisen na em i autim namba wan tim long dispela divisen, Faze long gren fainal.

I luk olsem Air Niugini bai lusim seken divisen na surik i go antap liklik Ol bai go insait long namba wan divisen long Mosbi.

Dispela divisen em i

stap aninit tasol long primia gret.

Moses Sipaih i ken amamas olsem em i gutpela soka pilaia. Long las Sande Moses i bin skoim wanpela gol long mekim tim bilong em i dro, 1-1 wantaim Ali Yunaitet.

Wanpela askim bilong ol sapota bilong ol

spot ol pilaia husat i kalapim nabaut long ol tim em, 'bilong wanem na ol pilaia i kalap nabaut long ol klap? Bai ol i pilar oltaim wantaim dispela nupela klap, o bai ol i lusim dispela klap sapos tim bilong ol i no win oltaim na go pas long lata bilong gret bilong ol?

Faze Na Difens Kilim Pul 5

FAZE i nilim Kula 3-2 na Difens i kilim Quang Bratas 5-0 long Sande 11 Febriueri, long Mosbi Hara Kap kompetisen.

Olgeta dispela tim i stap insait long namba 5 pul long Mosbi.

Faze i bin lus long Air Niugini long gren fainal bilong Mosbi seken divisen long-1983 na nau ol i tanim bek na soim Kula long soka stail tru bilong ol.

Kula i no gat sans tru long soka egens Faze long namba wan hap bilong gem. Long wanem, Faze i no marimari long husat straika.

Fulbek bilong Faze i kamapim stail bilong 1946 soka na olgeta straika bilong Kula i pretim kik bilong tupela Olsem na insait long gem yet. Kula i slek long kik long namba wan hap.

Long namba tu hap, Faze i putim namba wan gol. Tasol long dispela hap gem, pilar i senis. Kula i strongim nau bekian bilong ol na wok long sut tasol long gol bilong Faze.

Dispela pait i karim kaikai bilong gem, long wanem. Kula i brukim kiau, 5-pela minit bihain

long namba tri gol bilong Faze. Na ol i no slek.

Tam i wok long sot. Na long las minit, ol i larim Faze i nilim ol long wanpela gol tasol, 3-2.

Lukim namba tu tim bilong Difens nau? Ol i bagarapim tu Quang Bratas, 5-0.

Long pinis bilong gem, Difens namba tu tim i amamas long win bilong ol egens Quang Bratas, 5-0. Tasol dispela win i no mekim ol i kamap strongpela tim long pul 5. Nogat.

Ol i mas traim yet long autim Gordons Haikul, na Korion.

Difens i bin autim Faze long las wik, 4-0, na Kula i bin lus long Korion, 1-4.

HARA KAP DRO

SARERE MAS 17

5	Bisini 1	1.00	PNGDF 2 V Godons H
		2.30	Kula V Guang B
		4.00	Korion V Faze
6	Bisini 2	1.00	Guria 2 V R'tona
		2.30	ANG V Batu Bros
		4.00	Kunta V Ali Utd
7	HMS	1.00	Kunta V Murat
		2.30	Watani V Wanama
		4.00	Kumuls V Baba
8	GFC	1.00	Kumuls V Stone Axe
		2.30	Mokawa V Youths
		4.00	Sunam V T'ngau

SANDE MAS 18

Pul	Graun	Taim	Tim
1	Bisini 1	1.00	Bornd V Gokata
		2.30	G.F.C. V Maegin
		4.00	T'ngau V Sunam
2	Bisini 2	1.00	K'kada V Buresong
		2.30	R'tona V Wazesi
		4.00	Mopi V K'mani
3	HMS	1.00	T'bada V Wespek
		2.30	Guria V Waliya
		4.00	Yuni V Kusebo
4	GFC	1.00	Rapatona 2 V G.F.C. 2
		2.30	PNGDF V Sobou
		4.00	Kiriwina V LSC



WORD

FOR SALE — USED CARS

- Datsun Sunny Reg No AEC - 993 - ~~K4,500~~
- Mazda 626 Reg No ACN - 777 - ~~K1,800 - 60LB~~
- Datsun Laurel Reg No AEB - 292 - ~~K6,999~~
- Mazda 626 Reg No ADR - 320 - ~~K3,750~~
- Mazda 626 Reg No ADL - 862 - ~~K3,750 - 60LB~~
- Datsun - S/Wagon 120Y - ABA - 767 - ~~K549~~
- Nissan Urvan - AEB - 344 - ~~K 3,999~~

SURPLUS OVER REQUIREMENTS

12 MONTH OLD NISSAN DATSUN LAUREL IN FABULOUS CONDITION — AUTOMATIC, TINTED WINDOWS, ONLY 18,000 KMS ON THE CLOCK. COSTS K13,600 NEW — FIRST OFFER OVER K 6,999 ACCEPTED.

- * STEREO RADIO AND CASSETTE.
- * AUTOMATIC BURGLAR ALARM.
- * FULL AIR-CONDITIONING.
- * ELECTRIC WINDOWS.

Word Publishing Company Pty Ltd have a number of vehicles for sale which are excess to requirements.

All vehicles for sale are offered on a "as is where is" basis and inspection can be arranged by ringing

**DISTRIBUTION MANAGER
PH: 25 6151**



Mazda T3000

Double Cab - Diesel
Reg until October
58,000 km

EXCELLENT
CONDITION

K7,999

Elkom Malira

Long las wik Sarere. Mediks i bin winim FK 2-1 na ol i go bungim Buresong long gren fainal long Sarere apinun yet.

Pait i bin kirap olsem na dispela gren fainal i no i bin pinis.

Dispela gren fainal bilong tupela tim ya bai kamap gen. Na wanem tim i win bai makim Finsafen long nesanel klap sempionsip. Dispela sempionsip bai kamap long Lae long Ista Wiken.

Ol bikman bilong soka long Finsafen i ting ol klap bai putim ol strongpela tim. Dregerhafen Haikul, Luteran Yut, Buresong, Mediks na FK 2 i save gat strongpela tim bipo na i luk olsem strong bilong ol i no senis yet.

Kosa bilong Luteran Yut em Sinawi Baking. Na em i wanpela pilaia husat i save makim Rabaul long ol nesanel soka sempionsip insait long kantri namel long 1974 na 1976.

Mista Baking em i kosa nau bilong Luteran Yut na em i ting Luteran Yut bai wanpela bilong ol 4-pela tim long go long fainal bilong dispela yia. Long taim Baking i krungutim graun bilong Finsafen nem bilong em i no bin lusim liklik soka tim bilong dispela distrik.

Em i makim Finsafen long Morobe Kantri Soka inap 5-pela yia pinis.



Hia em yangpela meri sapota bilong Elkom "A" gret tim bilong ol man i pitsim bal na opim gem namel long Elkom na Kabiu. Ating malira bilong em i mekim ren i pundaun na Elkom i daumim Kabiu long las wik Sande, laka?

Sori Pagini Taim I Senis

ATING bai yumi tanim tok na tok "Sori Pagini Taim I Senis."

Joy Sah'umlal

Olpela stori bilong Sande 19 Februari i no tru moa. Sande 4 Mas i senisim stori bilong Wespek Gasel Sofbal Klap.

Wespek Gasel i bin kam sanap namba wan long skoa lata long ol wimens sofbal tim bilong Goroka.

Taim bilong bikpela

resis namel long tupela strongpela tim, Pagini na Wespek Gasel i pinis nau. Wespek Gasel i sora Pagini olsem em i kwin bilong dispela resis long gem bilong em wantaim EPC long Sande 11 Mas.

Tarangu EPC i kisim taim gen long han bilong ol Wespek Gasel 20-9. Na dispela i pinisim las raun bilong dispela sofbal sisen long Goroka.

Wespek Gasel i no nupela tim long Goroka. Em i senisim nem tasol. Olpela nem bilong em i "Gasel." Dispela yia i bin gat sampela senis.

Planti bilong ol olpela pilaia bilong Gasel i bin joinim ol arapela tim. Olsem na Joan Bellie husat i tim kepten i kisim ol nupela meri i wok long Wespek Beng na pilai long dispela tim.

Dispela yia tu Wespek Beng bilong Goroka yet i bin sponsa long dispela tim. Na i bin givim ol K360 long helpim ol long baim yunifom na ol sampela samting bilong sofbal. Bikos long dispela, ol i kolim tim Wespek Gasel.

Joan Bellie i tok, "Mipela i kolim tim Wespek Gasel bikos olpela tim Gasel i gat yet sampela mani i stap long klap."

Wespek Gasel i strongpela tim tru. Long wanem tim i save praktis tupela taim long wan wan wik. Na dispela i givim pawa long ol meri long pilai strong.

Joan i tok, planti bilong ol meri i yangpela singel meri tasol na ol i nupela long pilai sofbal na ol i bin slek tru.

Tim kosa bilong ol Phil Trenorden i save givim ol hatpela trening na praktis. Olsem na ol meri nau i save smat long pilai na mekim tim i kamap strong.

Nau, ol i wet tasol long namba wan na namba tu semi fainal na gren fainal long kamap.

Eksels I Tanim Plet

TRU, tumas em i kas bilong Eksels long autim pawa bilong Masda Kaps 10-7 las wiken insait long A gret sofbal bilong ol meri long Mosbi.

Pauline Laki

I tru planti pipel husat i lukim dispela pilai na ol lain husat i harim nius bihain tu i no bilip olsem Masda i go daun long Eksels.

Planti pipel i no bilip long wanem Eksels i wanpela tim olsem ol kolim "Wooden spooners" o ol anda-dok. Planti wiken ol i no save win liklik long gem bilong ol.

Na tu Eksels i wanpela tim i stap las tru long poin lata bilong ol 9-pela tim olgeta insait long A gret. Bihain tasol long Eksels em Nissan/Datsan i save brungim pipia bilong olgeta tim. Tasol nau Datsan i bruk nabaut na ol pilaia bilong dispela tim i go joinim ol arapela A gret tim.

Eksels i slip i stap na nau klostu sisen i laik pinis dispela tim i autim Masda Kaps.

Kaps em i wanpela bik nem tim long A gret na ol inap long krungutim na memem gut tru Eksels olsem wanpela kuka o glas nating tasol.

Tasol nogat. Eksels i tanim bek na givim dispela kain kaikai i go bek long ol Kaps.

Kaps i i stap antap tu long poin lata. Ol i go pas wantaim 25 poin na Eksels tarangu i gat 10-pela tasol. Tasol no waris maski hia pawa tim liklik tim i ken autim gut tru sapos taim i stret na ol pilaia i smat long pilai.

Kaps i lus long wanem ol i lukim Eksels na ol i ting em i no strongpela tim na bai ol winim pilai isi tasol. Tasol nogat. Eksels i tanim plet na dispela tingting bilong Kaps i go popaia olgeta.

Eksels skoa long namba 1 ining yet. Na long olgeta ining ol i skoa yet. Na taim Kaps i laik ketsap long las ining

ol i tulet olgeta.

Long ol narapela pilai bilong A gret, ol meri long Yokomo i kamap strong moa nau. Las wiken ol i givim kaikai long Wantok 8-4. Na Kapit i krungutim Agogol 6-4.

Em nau neks wiken bai las gem bilong olgeta divisen em A gret, A resewa B gret i kamap. Na fainal long en bai ol fainal i kamap.

Tupela tim i gat sams yet long i go insait long fainal. Dispela tupela tim em Agogol na Wantok. Sapos Wantok i winim Kapits neks wik na Agogol i winim Gasel bai tupela i ken go insait long fainal.

Ol dispela tim husat i stap long Top 4 bilong resis long gren fainal em Masda Kaps, Kapit, Sankaro na Gasel.

Sankaro i no gat wari. Neks wik ol i kisim 2 poin i kam long Datsan na bai ol i malolo na wet tasol long fainal long stat long 24 Mas.

Mesa semi fainal bai kamap long 31 Mas na gren fainal em long 7 Epril.

Goroka I Redi

OL eksekutiv bilong Goroka Sofbal Asosiesen i tok orait pinis long wan wan sofbal klap i makim 4-pela gutpela pilaia bilong ol insait long trening skwat bilong nesanel sempionsip.

Dispela sofbal sempionsip bai kamap long Madang long Ista Holide.

Elkom Klap - Ismiel Sialis, July Salatiel, Albert Evald, Ben Bagusan na Airthur Maradi.

Malangan - Likut Tale, Herman Baru, Jerard Manambun, John August, John Tamun, Warington Gona, Martin Kasse na Alwyn Poli.

Wan wan klap bai givim K400 long asosiesen long redim dispela skwat long go pilai long Madang long Epril.

Goroka Sofbal Asosiesen i tingting tu long pamim sampela rot long bungim mani long helpim Goroka skwat.

Wok bilong bungim mani i stap long han bilong wanpela komiti em ol i makim pinis long mekim dispela wok.

Neks wik bai ol i givim aut nem bilong ol pilaia

husat bai makim Goroka long go pilai long Madang. Bai i gat wanpela skwat bilong mani na wanpela meri tu.

Goroka Sofbal Asosiesen na Mendi Sofbal Asosiesen i tingting tu long tram strong na bun bilong ol long Hagen bihain long dispela sisen bilong sofbal long Goroka i pinis.

Goroka na Mendi Sofbal Asosiesen bai toktok moa long dispela samting.

Tim Menesa: Poliap Kisokau.

Tupela wik bihain bai ol i makim het kosa na namba kosa. Na dispela 3-pela mani i stap long komiti bilong makim ol pilaia tru i kam long trening skwat. Em John Sale, Poliap Kisokau na Phill Trenoden.

Poin Lata Bilong Raun 2

A GRET

TEAM	GP	W	L	D	P
Mazda .K	15	12	2	1	25
Kapit I	15	12	3	-	24
Sankaro I	15	8	6	1	17
Gasel I	15	8	7	1	17
Wantok I	15	7	8	1	15
Agogol I	15	6	8	1	13
Yokomo I	15	6	9	-	12
Excels I	16	3	10	2	8
N.Datsun	16	2	13	1	5

"A RISE"

Mamolos	17	15	2	-	30
Fogelu	17	14	3	-	28
Yomba I	17	11	5	1	23
Sankaro I	17	10	5	2	22
Kabiu	17	10	5	2	22
Hansabe	17	9	8	-	17
Mazda .K	17	7	9	1	14
Malangan	17	5	12	-	10
Kapit	16	2	14	-	4
Tarungau	17	0	17	-	0

DOKTA Weeber wantaim yangpela pikinini meri bilong em i go long lukim maunten pairap insait long bikbus tru. Ol i abrusim lo na strongpela tok lukaut bilong Jangel Patrol Hetkota.

I no longpela taim bihain, i gat bikpela sua i kamap. Yu mas baim dispela komik nau na ritim dispela nambawan stori. Sapos yu no baim komik hariap nau long ol stua, sori tumas, bai yu popaia long dispela gutpela stori.

NO 783

**SOFBAL DRO - OL MAN
SANDE 18 MAS 1984
DAIMON 1**

TAIM	TIM	REPERI
10.00	BP Elcom V Sankaro	M.Pupun G.Madao
12.00	NissanGZ V Yokomo	R.Rolly K.Y'gata
2.00	Avdev ML V BP Elcom	D.M'tin M.Tako
4.00	NissanGZ V NGI	J.T'ome A.Hara

DAIMON 3

10.00	Yokomo V Karanas	L.B'bun D.Lagar
12.00	ESA V Fuji	V.Tolopa R.Tedor
2.00	YMCAAD V NissanGZ	J.Pupua M.K'suta
4.00	Sankaro V Mazda Kap	L.Paivu S.Marita

DAIMON 2

10.00	NGI V NissanGZ	R.Raita H.N'gita
12.00	Tarangau V YMCAAD	S.Betson T.M'hida

A GRET

Excels 10 Mazda Karpis 7
Gasel 7 N.Datsun 0
Yokomo 8 Wantoks 4
Kapit 6 Agogol 4

A RISEV

Kabiu 19 Yomba 6
Sankaro 7 Tarangau 0
Mazda Kaps 7 Kapits 0
Togelu 7 Malangan 0
Manolos 18 Hansabe 14

B GRET

Adkol 7 Wantok 0
Taubar 16 Agogol 9
Douglas 7 Insurens 3
Malangan 7 Excels 0
N.Datsun 16 Yokomo 5

★★★★★★★★★★★★★★ **Manus Sofbal Tim** ★★★★★★★★★★★★★★

MWY klap: Elly Tewi, Janet Tovot, Ancilla Sundu.

Yokomo: Anna Saiau.
SP klap: Kanas Lingling.

Sapau.
Tim Menesares: Lomot Pondrein.

MWY - RRais Tolingling, Bruno Sili, Stephen Micah, Kana Pours.

GAZELE John Wesley
Kosa bilong Manus men sofbal tim em Mista John Paivu na asisten kosa em John Tewi. Menesa bilong tim bilong Manus em Mista Goweni.

Cardinals: Lois Pohei, Eva Lomon.
Panariu klap: Mary Kalus, Rose Pondi, Anna Kelly, Ilan Chris.
G a s e l: Alvin a Reymond.

Resev: Josephine Redin, Helen Simon, Pirau Matan, Salita Levhu, Jane Kalabus, Eli Ludy na Jenny Lingling.
Het Kosa: Robin Vogel, namba tu Nyalangis

OI Man

CARDINALS - Michael Tene, Michael Sapau, Joab Voivoi, Lucas Tokunai, Warek Manen, George Lomon.

YOKOMO - Simeon Malai, Mark Stone,
PANARIU Jameson Polau,

Top 40 Man Pilaia

Nem	Tim	AV	A	AB	R	1B	2B	3B	HR	B	RBI	SB	SAC	BB	SO	F
F.Diap	GZ	.4750	42	40	16	17	1	0	1	23	11	1	0	2	2	2
M.Dotti	KB	.4194	44	36	10	14	1	0	0	16	3	3	0	4	5	8
L.Riman	ML	.4035	67	58	23	17	6	0	0	29	10	4	1	7	2	2
L.Paivu	EL	.3922	64	51	20	14	4	1	1	28	6	7	1	11	1	2
D.Kaputin	KB	.3784	42	37	10	7	2	4	1	27	21	4	1	5	0	3
D.Homorang	ML	.3725	55	51	19	12	3	3	1	31	15	2	0	3	1	4
W.Peni	GZ	.3696	52	46	15	15	1	1	0	20	11	5	2	3	4	5
C.Bais	ML	.3673	53	49	17	12	1	3	2	31	20	4	0	7	4	6
S.Malum	KB	.3636	544	44	18	9	3	2	2	25	16	5	2	5	1	5
J.Gom	KB	.3611	47	36	14	9	3	0	1	19	10	1	2	7	3	7
M.Tako	GZ	.3542	57	48	18	15	1	1	0	20	7	2	0	8	0	3
A.Burat	GZ	.3462	53	52	17	10	3	2	3	34	21	11	2	0	2	8
J.Matage	CB	.3415	43	41	11	6	4	4	0	21	8	8	0	2	4	-
J.Takapan	ML	.3333	54	51	17	12	3	1	1	21	9	4	2	1	3	5
A.Kabavas	ML	.3265	54	49	14	12	3	1	0	21	10	5	1	3	5	-
R.Rolly	NG	.3261	57	46	23	11	3	1	0	20	11	3	5	7	2	2
P.Timbe	GZ	.3235	42	34	15	9	1	1	0	14	5	6	2	6	0	6
H.Warpin	NG	.3158	42	38	13	4	6	1	1	22	15	1	2	3	4	3
Romi	NG	.3147	57	51	16	11	1	3	1	26	10	2	0	5	7	4
P.Kapilis	ML	.3111	52	45	15	12	2	0	0	16	9	9	0	4	4	7
L.Kaminiel	MC	.3077	42	39	9	9	2	0	1	17	9	1	0	2	3	4
J.Avuchalas	ML	.3000	56	50	15	12	3	0	0	18	6	6	1	5	11	9
W.Kaputin	AG	.2979	48	47	4	11	3	0	0	17	8	2	1	0	7	6
B.Patiliu	MC	.2973	42	38	7	9	0	0	2	17	11	3	1	2	3	6
A.Girana	CB	.2909	61	55	12	10	0	5	1	24	10	7	1	2	0	1
J.Pidik	GZ	.2957	54	49	10	11	1	2	0	22	7	3	0	2	0	4
J.Moang	DM	.2857	48	42	6	7	4	1	0	11	4	2	1	4	2	4
L.Bunbun	BE	.2800	59	50	16	9	2	2	1	23	9	0	2	6	3	3
P.Urari	GZ	.2766	49	47	16	10	1	1	1	20	22	4	1	2	2	7
W.Wartovo	NG	.2750	47	40	11	7	2	1	1	18	8	0	0	7	2	9
H.Kai	AG	.2703	43	37	8	10	0	0	0	10	3	3	2	2	3	-
N.Wuliah	EL	.2703	42	37	13	6	1	2	1	18	10	0	0	5	5	8
B.Kanini	EL	.2703	42	37	10	9	1	0	0	11	8	0	3	2	0	3
J.Levi	AG	.2683	44	41	9	7	3	1	0	16	7	4	0	2	5	-
H.Kukup	AG	.2683	48	41	11	9	2	0	0	14	4	4	0	8	3	-
D.Martin	DM	.2632	42	38	7	7	1	1	1	18	7	1	1	3	2	5
J.Kuno	KB	.2609	51	46	9	10	1	1	0	15	7	8	1	3	1	-
R.Ratia	MC	.2545	60	55	16	5	2	4	3	33	13	1	0	4	2	1
M.Pasok	NG	.2533	60	47	20	10	2	0	0	14	11	3	3	9	6	6
S.Manet	EL	.2500	57	48	15	8	4	0	0	16	14	4	0	9	4	6



**MILK'N'BRAN
NUPELA HELTI BRED
I KAM LONG
SUNIFIELD**

Em i pulap long ol gutpela samting tru.

Bilong wanem, mipela i pulumapim Milk'n'Bran wantaim nupela, helti samting olsem witgrein, 100% vegetabols, milk na bran. Long wokim Milk'n'Bran i moa heltia long yu wantaim famali bilong yu, mipela ino putim ol kainkain kala long dispela bred.



**BY PARADISE,
THE BEST IN QUALITY & FRESHNESS**

PORT MORESBY
KUNAI ST., HOHOLA,
P.O. BOX 1624, BOROKO.
PH: 25 5124

LAE
BUTIBUM RD., TARAKA,
P.O. BOX 2173, LAE.
PH: 45 7177

RABAU
VULCAN ST., RABAU
P.O. BOX 257, RABAU.
PH: 92 1957

Community Corner Tools for Teachers



TEACHING AIDS: Mathematics

TOPIC: Moving Back - Subtraction

GRADE LEVEL: 4

AIM: To subtract using Hundred Square Subtraction board.

MATERIALS NEEDED: A Hundred Square Subtraction board.

1	2	3	4	5	6	7	8	9	10
11	12	13	14	15	16	17	18	19	20
21	22	23	24	25	26	27	28	29	30
31	32	33	34	35	36	37	38	39	40
41	42	43	44	45	46	47	48	49	50
51	52	53	54	55	56	57	58	59	60
61	62	63	64	65	66	67	68	69	70
71	72	73	74	75	76	77	78	79	80
81	82	83	84	85	86	87	88	89	90
91	92	93	94	95	96	97	98	99	100

Subtract 38 from 56: This means you take away 30 & 8.


STEPS:

1. Put your finger on 56. Take 30 by moving your finger 3 spaces up (or back) from 56. That is taking away 3 tens. Your finger is now on 26.

2. Now take away 8 units. Count 8 spaces backwards. Your finger is now on 18.
So $56 - 38 = 18$.


You can do more exercise using HUNDREDS SQUARE BOARD.

BIHAINIM LO YUSIM OL SKEL GAVMAN I BIN ORATIM LONG YUSIM




SALTER

Model 235-10
Suspended Weigher



AVEREY

Price Look Up System
"Commander"



SALTER

Model 250-9
Counter Scale

IGAT OL WOKMAN BILONG RAUN NA FIKSIM OL SKEL LONG HAP BILONG YU.

HEB 2229

Igat long **Steamships - MACHINERY**

Wapenamanda

Dia Edita - Ol 18 provins insait long Papua Niugini i gat bikipela ples balus na ol i save kisim gutpela sevis i kam long nesenel gavman. Tasol insait long dispela provins. Enga, i no gat ples balus.

Bipo ol i yusim ples balus long Wabag tasol ol i pasim dispela ples balus pinis na nau i no gat bikipela ples balus long Enga Provins. Bilong wanem as tru na Enga

Provinsal gavman na Nesenel Gavman i no toktok strong long mekim Wapenamanda ples balus i go bikipela?

Lukim, mipela ol pipel bilong Wabag, Ambum, Kompam, Laiagam, Pogera, Maramuni, na Kandep, i save hat wok tru long panim rot i go long Hagen long kisim balus.

Dispela pasin long ran i go na kam bek long Hagen i givim hatwok

tumas long ol man na meri. Dispela ples balus long Hagen em i bilong ol manmeri bilong Westen Hailans Provins. Em i no ples balus bilong Enga na mipela i save go kam.

Yumi save pinis, planti taim yumi save harim long redio na ritim nius oisem Enga wantaim Hagen tupela i save pait. Olsem na mi laik nesenel gavman no ken poromanim tupela man pik long wanpela hap. Sapos



STRONPELA ISUZU PIKAP

Planti paoa, Isuzu pickap laik bilong yu. Petrol o disol, igat 3 pela kain bodi, 2 o 4 wil draiv na 3 o 6 sita keb.

Istap nau long New Guinea Motors long, Port Moresby, Lae, Kieta, Rabaul, Kimbe, Mt Hagen, na Tabubil.

ISUZU PAOA long New Guinea Motors

N.G.M ISUZU

Maski Kros Nabaut

Dia Edita - Mi no amamas long toktok bilong medikal suprintenden bilong Madang haus sik. Julius Ngahan, na Madang taun kaunsi. Em i nogut long tupela lam va i kros long pas na nuspepa.

Sapos kaunsi i lukim wok bilong haus sik i no kamap gut mobeta vu mas go stret long opis bilong em na toktok wantaim em. Na yutupela ken putim wanpela komiti bilong lukim na glaem dispela kam wok.

Tru, wok bilong haus sik em i hat tru, na em i wok tru bilong kaunsi long lukluk long wok bilong haus sik. Sapos wanem samting i ba-

garap, orait yupela i ken bung wantaim long stretim.

Na em i wok bilong ol memba bilong vu long provinsal na nesenel gavman tu. Yumi no votim ol long wetim potnait tasol na kisim mani na lap tasol na putim long poket na go pinis.

Kaunsi i tok ol dokta i no wok gut, em i tru. Mi set lukim long ai bilong mi long las via. Mi go long haus sik, na mi lukim wanpela man kiostu i dai.

Lewa bilong em tasol i wok i stap. Olgeta skin i dai pinis.

Mi go na askim ol sista i wok long wod, oisem wanem long dispela sik

man?" Na sista i stori "Sori mipela i nogut we long wok long em nau. Olsem na em i stap."

Tasol kwiktaim mi tingim namba wan dokta na mi askim sista, long ritim namba wan dokta? Mi laik lukim em." Nau na sista i kirap nogut na toktok nabaut na em i pret nogut.

Dokta i kam na em i tokim sista. "Yu givim wara long em." Nau ol i givim wara long apunina, na i go morning long nesk degen. Na long beio stret, sikman i opim ai bilong em gen, na lukluk gen.

Nau em i orait na i go bek long ples.

John Sales, Madang taun.

AMBUNTI DRING SUSU YET

Dia Edita - Mi sapotim tingting bilong brata ya, Sekina Maibundi, long toktok bilong em long sindaun bilong mipela ol pipel bilong Ambunti, insait long Is Sepik Provins.

Mi tu i gat wari long ples bilong yumitupela, brata. I no gat wanpela samting i kamap insait long Ambunti eria. Nogut stret.

Namba wan askim

bilang mi: memba bilong mipela, Asimboro Ston, bilong Ambunti Drekkir, i putim sampela mani bilong rot long Ambunti, o nogat?

Namba tu askim, i gat sampela projek Mista Ston i bringim i go insait long Ambunti o nogat?

Dispela em tupela askim bilong mi i go long Mista Ston.

No gat wanpela gutpela samting i kamap insait

long tupela distrik, Ambunti na Drekkir. Nogat na nogat olgeta.

Tasol Ambunti tasol, nogat tru. Ating bai 1984 i lus pastaim na long 1985 bai Ambunti i go het. Nau em i manki yet na i nogat tit yet. Na mama i givim susu yet long en.

William Saujhoka Koni, Wewak, ESP.



Ples Balus

tupela man pik i bung em tupela bai pait tasol.

Olsem na mipela o pipel bilong ol ples em mekolim pinis i laikim o Enga nesanel palamen memba na provinsai gavman i mas toktok strong na wokim Wapenamanda ples balus i go bikpela Em bai isi long mipela ol man long longwe ples i kisim balus long Wapenamanda

Ol manmeri bilong ol ples olsem Maramuni, na Kandep i save slip tupela

Laip Bilong Man

Dia Edita - Mi bin ritim stori bilong brata ya, Peter Sale, long Wantok Niuspepa namba 504 long Janeri 28 1984. Mi lukim stori i gutpela, tasol wanpela hap tasol i bin nogut long tingting bilong mi.

Long stori bilong brata ya em i tok long taim liklik manki ya i kilim pinis masalai, em i kisim bun bilong papamama bilong em na i joinim gen. Bihain em i winim win bilong em i go insait, na papamama bilong em i kamap laip gen.

Yes brata, long graun i no gat wanpela man i ken wokim wanpela samting na kamap laip olsem man. Papa God tasol inap mekim dispela.

Mi askim yu long ritim Jenesis bai yu save gut long olgeta samting em God yet i bin wokim. Em i wokim Adam na em i winim win bilong laip i go insait long Adam na Adam i kamap laip.

Neks taim yu raitim tumbuna stori yu mas tingting gut na rait.

John Kiwasang,
Kaiapit, Morobe Provins.

Sori Long Wes Irian

Dia Edita - Mi mekim wanpela bikpela het tok pastaim long hia.

"Maski long kilim nating Melanesien brata na susa na daunim ol. Tasol em i mobeta long PNG na Indonesia Gavman i toktok gut na givim ol fri kantri na independens bilong ol long Wes Papua.

Mi gat wanpela bikpela wari tru, na mi laik putim long niuspepa. Mi laikim planti manmeri na ol brata na susa bilong mi na gavman bilong PNG tu i mas lukim na skelim wantaim gavman bilong Indonesia.

Long 9-pela yia i go pinis, PNG wantaim Indonesia gavman tupela i mekim pren. Tasol PNG i no save olsem Indonesia Gavman em i wok long kilim indai laik bilong ol pipel bilong Wes Papua Melanesien brata. Dispela em i as tru long tingting bilong Indonesia long pren wantaim PNG.

Planti yia i go pinis, olsem 22 yia olgeta nau, ol Melanesien brata bilong yumi long Wes Papua, i wok hat tru long pait strong long kisim independens bilong kantri bilong ol.

nait long rot na bihain ol i kamap long Hagen long kisim balus. Dispela ples em i longwe tumas.

Lukim, ol manmeri i no gat wantok long Hagen, na ol man bilong longwe ples bai slip we? Sapos ol slip i no gat wantok long Hagen na ol man bilong longwe ples bai slip we? Sapos ol slip nabaut long ol haus bai ol plis i kotim ol.

Olsem na mi laikim tru bai nesanel gavman i toktok strong tru na wokim Wapenamanda ples balus i go bikpela em bai inap long bikpela balus i ken i kam long Wapenamanda.

Long taim ol i pasim Wabag ples balus i kam inap nau no gat wanpela bikpela balus olsem balus bilong Air Niugini i save kam long Wapenamanda. Ol liklik balus, tasol, olsem sesna balus bilong talair, i save kam long Wapenamanda.

Wapenamanda ples balus em i wanpela gutpela ples, olsem na

Westim Nating Skul Fi Na No gat Wok

Dia Edita - Mi wari long ol papamama husat i save westim bikpela mani bilong ol long baim skul fi bilong ol pikinini.

Ol i stat long baim skul fi long Komyuniti skul i go inap long ol Haiskul. Tasol ol pikinini i no save kisim gutpela mak long skul wok bilong ol. Planti i fel na kam bek gen long papamama na stap nating long haus.

Mi laik askim gavman sapos ol i ken wokim wanpela skul we ol pikinini i no kisim gutpela mak i ken skul gen long en. Na sapos nogat ol i ken givim sampela wok we ol pikinini i no kisim

gavman i mas toktok na mekim ples balus i go bikpela

Mi mekim dispela toktok i go long ministri bilong Woks na Sapla. Mista Pato Kakarva Yu memba bilong Wapenamanda ples balus i kamap bikpela. Sapos yu ministri orait yu mas sori long ol manmeri bilong Enga.

Yupela ol memba bilong palamen i olsem mama na papa bilong ol pipel bilong Enga Long taim ol i laikim wanem samting yu mas stretim wari bilong ol.

Sapos pikinini i kraik long papamama long dring wara, yu no inap givim em narapela kaikai. Em i laikim wara. Sapos yu givim em wara, em bai amamas. Sapos yu givim em bai em i no laik.

Olsem na ol pipel bilong Enga i laikim Wapenamanda ples balus i mas bikpela.

Young Yangharry,
Yapakon Api Parage,
Panguna, NSP.

gutpela mak i ken wok long en. Bikos papamama i westim bikpela mani bilong ol na ol i no save bekim.

Mi ting i gutpela sapos gavman i stapim provin-sal gavman na ol nesanel memba o senia pablik sevan long go lukluk raun long ol ovasis kantri.

Gavman i save spenim mani nating mani em ol inap long givim long wan wan provins long kirapim planti wok o projek long helpim ol dispela skul liva.

Maxon Yenda,
Bulolo.

manmeri long graun bilong Indonesia.

Long dispela taim, i gat bikpela pait gen long Indonesia i mas givim Independens long Wes Papua. Dispela pait i wok long bagarapim sindaun bilong ol pipel na planti long ol Melanesien brata na susa i ranawe na i kam insait long graun bilong yumi pinis.

Olsem 80 man i stap nau long han bilong ol plis. Bai ol i putim ol long kalabus na kotim ol. Bihain bai gavman i mekim wanem long ol? Mobeta long PNG i larim ol i stap long graun bilong yumi.

Wok bilong gavman bilong yumi nau em long bringim wari bilong ol dispela lain Melanesien brata na susa bilong yumi



Salim Olpela Kiau

Dia Edita - Mi wanpela man bilong Westen Harlans Provins husat i stap long Mosbi. Mi laik ritim dispela pas long pablik long no ken mekim kain rabis pasin olsem

Long Gordons maket, i gat planti lan meri must i save kukim na salim ol kiau. Na mi gat bikpela askim long mekim long ol

Yupela ol pipel husat i baim ol dispela kiau i save long trupela stori bilong ol dispela kiau? Ating nogat. Mi save na mi laik tokim yupela

Ol dispela meri long Erima Setelmen i save kukim kiau na salim long maket, ol i no save tromoi ol kiau bilong dispela de i go o kaikai ol. Nogat. Long narapela de, ol i save kukim o boilim gen dispela ol kiau em ol i kisim i go long maket asde, na ol bai go salim gen.

Planti taim, ol dispela lain meri i ken boilim wanpela hip kiau inap 3-pela o 4-pela de olgeta. Nau, yumi ol manmeri i tromoi mani na kisim ol dispela rabis kiau bilong asde o hapasde na kaikai na kisim sik nogut.

Mi raitim dispela pas, bai yupela i lukim na askim ol manmeri husat i save mekim kain pasin olsem long kiau i mas stapim dispela pasin long Gordon maket.

John Tei,
Hagen, WHP.

Tok Ples Redio

Dia Edita - Mi wanpela manki bilong Goroka na nau mi stap long Rabaul. Mi save harim olsem Redio Rabaul i save tokples tumas.

Planti manmeri i stap long Rabaul i no bilong Rabaul na olsem wanem bai ol i save long tokples bilong yupela?

Yupela i ting mi bai harim olsem wanem sapos mi bilong narapela provins na mi kam stap long taun bilong yupela. Mi bai save olsem wanem sapos yupela i ritim nius long ol samting i kamap long Rabaul.

Yupela i tokples tasol long ol wantok bilong yupela na ol arapela manmeri bai mekim wanem?

Plis, yupela inap stapim dispela tokples Redio?

Gidion Kanawari
Rabaul
Is Nu Briten



Givim Sapot Long Sios

Dia Edita - Mi laik tok olsem PNG em i kantri bilong yumi ol kristen manmeri. Tasol wanpela bikpela wari em olsem. Ol pipel bilong PNG i no save givim bikpela sapot bilong ol long ol sios.

Yumi ol pipel long ples, i save pait, kros na stil na tu mipela i no sindaun wanbel wantaim ol brata na susa. Long sindaun bilong yumi long ples bilong yumi yet, yumi i save givim beksait long ol sios.

Maski sapos gavman i kamapim nupela lo long lukluk long ol sios, yumi bai no ken sindaun wanbel wantaim ol manmeri bilong ples na long taun.

Salim ol pas
i kam long:
WANTOK
BOX 1982
BOROKO

Yumi ol PNG pipel i save pait, kros, na stil plan i na kantri bilong yumi bai kamap nogut. Olsem na mi laikim PNG em i mas gat nem olsem wanpela kristen kantri tru.

Na yupela ol memba bilong ol sios i mas givim bikpela sapot long ol sios bilong yumi.

Bipo mi wanpela bikhet man. Na mi save lidim ol man long brukim stua, pait, stil, na tu mi save pait wantaim ol plis long Enga Provins. Tasol nau mi lusim dispela pasin nogut na mi stap gut.

I no gat wanpela man o meri i tokim mi long lusim dispela pasin nogut bilong mi.

Mi bin kisim Baibel, o Gutnius long wanpela hap long wanpela de, na em tasol i tanim bel bilong mi. Olsem na mi singaut nau long ol pipel i mas givim moa sapot long ol sios bilong yumi.

Korak Iking,
Lakyok Prang,
Arawa, NSP.

Promis Nating

Dia Edita - Mi wanpela gras rut man na mi no gat save long mekim kain kain wok bilong ol waitman long taun na siti. Mi no go long bikpela skul tasol wanem kain wok em mi save wok tasol.

Mi save wok olsem saveman na bihainim maus bilong masta na ol bos i save long mi. Tasol mi no save kisim gutpela mani.

Mi wok klostu olsem 84 aua long olgeta potnait. Mi save wok stat long 7 klok moning i go inap 4:30 apinun olgeta de, tasol mani bilong wok i no gutpela tumas. Sampela taim wok i save pinis long 5 o 6 klok, tasol mani we?

Olgeta taim mi save harim gavman i pait tumas long ol pablik sevan bilong em tasol. Ol pablik sevan i save wok long 8 i go inap 4 klok apinun, tasol pe bilong ol i bikpela tumas.

Olsem wanem long mi na ol narapela wokman husat i save wok long kampani o kontrak? Mi sevan (wokman) bilong husat? Bilong gavman o kampani?

Mi ting gavman i mas helpim tupela sait wantaim. Em bai gutpela sapos taim gavman i laik pait long haus na mani bilong ol pablik sevan, orait ol i mas mekim wankain olsem long ol man ausait husat i wok long kampani o wok kontrak.

Wanem mining bilong independens? Gavman i tok long taim yumi Papua Niugini i

bosim yumi yet, bai olgeta man i kisim wankain mani, o wok. Olgeta samting i mas wankain, olsem ol waitman.

Maski blakman, bikpela man, liklik man o wanem kain man, olgeta i mas wankain.

Dispela promis i bin kamap long taim bilong ileksen. Na taim mipela votim mipela votim ol na ol i sanap long palamen, nogat mani i kamap yet.

Wanpela bikpela man, Mista Tony Siaguru, i bin tok Mosbi siti bai kamap gut sapos mipela votim em. Nau i no gat kain man olsem i bringim helpim i kam long Morata na Erima na Golf klap setelmen.

Mipela painim hat long kisim wara, haus, na rot. Husat bai helpim mipela? Sampela man i save tingting long ol man husat i save winim skul long yunivesiti na man i wok long gavman tasol. Olsem na ol i giamanim mipela ol pipel.


Mi ting neks taim, ol i no ken kisim ileksen pepa na go raun long ol gras rut. Ol i mas go long Edmin Koles, na Yunivesiti na ol pablik sevan na ol dispela lain i ken votim ol long sanap gen long palamen. Na maski long go raun nabaut long ol setelmen na blok na viles.

Ebay Sariwong
Golf Klap
Waigani.

i go long Yunaitet Nesen na ol i ken stretim Independen kantri bilong ol.


PNG em i wanpela Independens kantri na i gat sampela strong long helpim ol dispela tarangu lain manmeri.

Srairam,
Lumi, WSP.





National



RX-1280w



**NUPELA
KAGO**

*I GAT OL NUPELA KAIN FM/SW/SW
REDIO KASET PLEYA/REKODA
BILONG OL NAMBAWAN BIKPELA
STUA I STAP KLOSTU LONG YU
NAU INSAIT LONG OL STUA
HUSAT I SAVE SALIM*

 **National**
Radio TV
DISTRIBUTORS.

I STAP NAU LONG OL CHM STUA



National
Radio

TABARI PLACE
BOROKO
PH:256644

OKARI ST.
BOROKO
PH. 25-6075

2nd STREET
LAE
PH:423035

KAMARERE ST
RABAUL
PH:921107

DATSUN FOKLIP

Em I Gutela Long helpim Yu Oltaim



**BOROKO
MOTORS**

*"Em i narapela samting gen i kam long
the good guys"*


BOROKO MOTORS - 25 5255 - Port Moresby
BOROKO MOTORS - 42 1144 - Lae
BOROKO MOTORS - 92 2777 - Rabaul
BOROKO MOTORS - 82 2433 - Madang
BOROKO MOTORS - 52 1433 - Milne Bay
ARAWA MOTORS PTY. LTD. - 95 1566 - Arawa

HIGATURU MOTORS PTY. LTD. - 29 7175 - Popondetta
PROVINCIAL AGENCIES PTY. LTD. - 94 2131 - Kavieng
TORA MOTORS PTY. LTD. - 57 4059 - Wapenamanda
MILNE BAY ENTERPRISES - 61 1167 - Alotau
WEWAK DATSUN AND MARINE - 86 2220 - Wewak

NISSAN

Man I Trai

Lak LAIP



LAIN

DIA LAIPLAIN,

MI bin pasim tok pinis wantaim wanpela boi long ples bilong mi long marit.

Nau boi ya i wok i stap long narapela provins. Na wanpela arapela boi husat i wok klostu long ples mi save wok long en i gat laik long mi. Na em i save salim tok long mi.

Mi laikim dispela boi tasol mi no bin bekim ol toktok bilong em bikos mi pasim tok pinis wantaim narapela boi long marit.

Sapos mi brukim promis bilong mi long maritim dispela boi long ples bilong mi, bai mi givim bikpela sem tru i go long ol papamama bilong mi. Bikos famili bilong mi i bin stretim olgeta samting pinis long marit bilong mitupela. Na ol bai daunim mi stret.

Mi save tingting strong yet long boi ya mi bin promis long maritim. Na em tu i save tingting yet long mi olsem na mitupela i no save raun nabaut.

Mi gat bilip olsem dispela boipren husat i

stap longtee ya i tingting yet long promis bilong mitupela na em i stap gat. Na mi tu i mekim wanpela pasim tu. Tasol em i stap longtee tru na nau mi pret, nogit bai dispela promis bilong mitupela i bruk.

Ba mi mekim wanem samting nau?

DIA PREN.

Yutupela yet i bin pasim tok pinis long marit.

Sapos yu gat tupela tingting nau, orait, yu mas askim yu vet dispela tupela askim: Yu gat bikpela laik tru long maritim dispela boi long asples o olsem wanem? Na yu bilip olsem bai yutupela painim gutpela sindaun na amamas wantaim bihain long taim yupela i marit o olsem wanem?

Sapos yu gat strongpela bilip olsem dispela boi bilong asples em i nambawan man yu ting yu mas maritim, orait, mobeta yu lusim tingting long ol toktok bilong dispela arapela boi.

Mipela i klia olsem bai yu gat strongpela laik long man husat i tingting tu long yu. Sapos yu no laik brukim promis em yu bin pasim wantaim namba wan man, orait, yu no ken raun wantaim ol narapela man. Tasol yu ken lukim narapela man olsem ol pren nating tasol.

Mipela i amamas tu long harim olsem yu no laik givim sem long famili bilong yu. Bilong wanem as tru na yu wari tumas na i no laik tokaut long dispela hevi bilong yu wantaim famili bilong yu?

Ol i ken helpim yu na painim rot bilong stretim dispela hevi bilong yu kwiktaim.

Na wanpela wanpisin bilong yu stret i ken tokaut long dispela hevi bilong yu i go long dispela arapela boi husat i traun long grisim yu nau.

Dispela wanpisin bilong yu i ken tokaut stret long em olsem yu gat narapela man pinis. Orait, em bai i no inap salim tok moa long yu na paulim tingting bilong yu.

Em i tru olsem bai kain kain samting i kamap na traun brukim pren bilong yu wantaim dispela namba wan man, taim em i stap longwe long yu. Tasol em i gutpela pasim bilong traun yu olsem bai yu stap strong na tingim promis yet o nogat.

Na sapos yu stap strong na tingim promis yet, em bai dispela strongpela tingting i helpim long strongim pren i stap namel long yu wantaim namba wan man. Na dispela tingting i ken helpim yu long sanap strong bihain long taim yutupela i marit.

Yu no bin tokaut long wanem taim bai yutupela i marit. Sapos dispela taim bilong yupela i marit i stap longwe yet, mobeta yu mas mov i go long dispela taun man bilong yu i wok long en. Em bai yutupela i wok na stap klostu.

Sapos i no gat rot bilong mekim dispela samting, orait, traun na askim lain famili bilong yu long stretim we bilong yu long marit hariap.

Inap yu tokim lain famili bilong yu long stretim dispela rot na larim yu wantaim man i marit hariap o nogat?

Samting bilong traun i stap long yu nau. Mipela i bilip bai yu sanap strong yet na wetim man bilong yu inap long taim em i kam bek na yupela i marit.

MI LAIPLAIN.

Ol Meri Bung

“WOK politik na bisnis i no bilong ol man tasol. Sapos ol meri i laik stap wankain long olgeta kain wok wantaim ol man, yupela ol meri yet i mas stretim tingting na wok bung wantaim namel long yupela yet.”

Primia Minista, Michael Somare i bin tokim moa long 20 meri husat i kamap long 2-pela de kibung long Laiplain senta long Mosbi.

Pot Mosbi Wimens Kaunsil i bin go pas long dispela kibung bilong ol meri.

Mista Somare i tok PNG i wankain olsem planti arapela kantri long wol we ol man tasol i go pas long ol wok. Na em i tokim ol meri i no mas larim ol man i subim ol nabaut. Em i tok sapos ol man i mekim olsem, orait ol meri i mas strong na no ken larim ol man i daunim ol.

Praim Minista i tokim ol meri olsem i gat kain meri olsem Misis Nahau Rooney na Mis Josephine Abajiah i sanap na soim pinis olsem ol meri i ken mekim wankain wok olsem ol man.

Em i tok sapos ol meri long kantri i no bung na wan bel wantaim, em bai ol i no inap tru long brukim dispela mak we ol man i sanap olsem het o bosman oltaim.

Mista Somare i tokim ol meri tu olsem i gat mani bilong helpim ol meri i stap sapos wan, wan meri o long grup yet i laik ranim bisnis. Gavman i gat sampela rot i stap long helpim ol sapos ol meri i askim long kisim helpim.

Insait long dispela woksap, Medikal Suprintenden bilong, Bikpela haus sik long Mosbi, Dokta, Damien Wohlfahrt na Jack Baure seketeri bilong Wok na Saplai i bin go tok save long ol asua i bin kamap long haus sik.

Ol Ka I Lus

PLIS Komisina, Mista Tasion i tokaut olsem ol dispela ka i bin lus na em i laik bai olgeta pipel i helpim long kisim bek ol kaa ya.

ADU 642 Blu subaru stesen wegen i bin lus long Mas 2. AAC 730 Yello Datsun 1600Vt i bin lus long Mas 4. ABJ 155 Wait Datsun 1600 Vt i bin lus long Mas 5.

Mista Tasion i tokaut tu long nem bilong tupela manki i bin lus. Nem bilong ol boi ya em:

Aori Levo i gat 5-pela krismas. Longpela bilong Aori em 10 sentimita na em i gat braun skin. Aori em bilong Malalaua long Galp Provins. Aori i bin putim braunpela sot trausis na singlis na em i bin karim braunpela beg long taim em i lus.



Reveren Steven Pirina i soim ol meri raun long Laiplain Senta. Dispela senta i gat klinik na ples bilong ol meri i ranawe taim ol i gat kros put wantaim man bilong ol na painim ples bilong slip o kisim helpim.

Ol lida bai helpim ol plisman long taim trabel i kamap long ples bilong ol.

Dokta Wohlfahrt i sindaun tok klia long ol bagarap na ol nupela plan bilong stretim ol dispela asua.

Dokta i tokim ol meri olsem olgeta ya namel long mak bilong 6.000 inap long 7.000 mama i save kamap long karim pikinini. Na haus sik i gat liklik spes long wanem ol mama bilong Mosbi na Sentral Provins tu i save kapsait long Mosbi haus sik tasol.

Tasol ol asua i kamap long haus karim na wot bilong ol pikinini i stret nau. Ol i wok long stretim nau ol bagarap.

Bikpela haus karim bilong ol meri na wot bilong ol pikinini i pulap na planti samting i bagarap.

Ol meri i bin askim kain kain askim tru i go long suprintenden.

Ol meri i askim Dokta Wohlfahrt bilong wanem na ol mama wantaim

ol pipel i bin stilim moa long 30.000 betsit las via. Ol sikman i pinis long haus sik o ol wantok i pulap i stap long was long sikman i save stilim na karim i go wantaim long taim ol i pinis long haus sik.

Ol meri i amamas tu long toktok bilong dokta olsem bai i gat nupela wot bilong ol pikinini.


Dispela wot bai kos moa long K5.000 kina. Mosbi Wimens Kaunsil i bin kisim K500 i kam long opis bilong ol Wimen Yut na Relisen long ranim dispela woksap.

Na dispela woksap i bin stat long 7 Mas na pinis long 8 Mas.

Ol meri i makim, Yunaitet Wimens Felosip bilong Is na Wes Sekit, YWCA, NCW, Girl Guide, Sen John Embulens, Laiplain, Katolik na planti arapela klap na sios memba i bin stap long dispela woksap.

Ol i askim em long ol bagarap i kamap long wot bilong ol pikinini. Na tu wanem taim tru bai ol i putim mesin bilong givim win long nupela haus karim.

JENERETA



Nambawan long PNG long wanem, ensin no save abrusim mak taim em i hat. Yu no inap putim wara olgeta taim. Haus bilong yu bai gat lait enitaim yu laikim.

Pe bilong em i no bikpela olsem yu ting.

ELA MOTORS YANMAR

Ela i no savesalim ka tasol.

CALL US

Port Moresby	21 7936	Popondetta	29 7240	Madang	82 2188
Mt Hagen	52 1888	Kavieng	94 2132	Kimbe	93 5115
Kuta 95	6083	Lae	42 2322	Goroka	72 1844
Wewak	86 2255	Rabaul	92 1988		

CALLING ALL BANDS WE SELL

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music


Battery Guitars, Amplifiers Lead Rythem = K75.00
Bass Guitars = K90.00
Special Lead Rythm = K95.00

ROOK'S RADIO
PO BOX 191 LAE
behind B.P.
PH-42 4616

**NUPELA F05 SERIES NISSAN FOKLIP
I Nambawan Tru I Gat Bikpela Pawa
Long Litimapim Bikpela Kago**

Ol i wokim dispela lain foklip i kamap namba wan tru inap long mekim bikpela wok moa i winim ol arapela wansais foklip. Na dispela nupela lain Nissan F05 Series foklip i gat kain taia gumi long mekim ol wil i ran gut tru. Em i isi long stiaim na i gat gupela ensin na kain kain samting long lukautim skin bilong draiva. I gat tripela kain foklip i gat pawa bilong litimapim kago 5.0, 6.0 na 7.0 tan na yu gat gupela sans long makim nambawan kain masin namel long dispela tripela foklip long litimapim kain kain kago yu laik muvim.

Em i ken mekim bikpela wok na givim bikpel aamamas long yu. Na dispela samting tasol i putim Nissan F05 Series Foklip i stap namba wan tru!



BIM
**BOROKO
MOTORS**

BOROKO MOTORS - 25 5255 - Port Moresby
BOROKO MOTORS - 42 1144 - Lae
BOROKO MOTORS - 92 2777 - Rabaul
BOROKO MOTORS - 82 2433 - Madang
BOROKO MOTORS - 52 1433 - Milne Bay
ARAWA MOTORS PTY. LTD. - 95 1566 - Arawa

HIGATURU MOTORS PTY. LTD. - 29 7175 - Popondetta
PROVINCIAL AGENCIES PTY. LTD. - 94 2131 - Kavieng
TORA MOTORS PTY. LTD. - 57 4059 - Wapenamanda
MILNE BAY ENTERPRISES - 61 1167 - Alotau
WEWAK DATSUN AND MARINE - 86 2220 - Wewak



Progrem Bilong Lukluk Raun Bilong Pop

POP Jon Pol II bai lukim tupela tasol long Papua Niugini taim em i kam lukluk raun long Me.

Dispela tupela taun em Mosbi na Maun Hagen.

Lida bilong Katolik sios long wol. Pop Jon Pol II, bai i kamap long ples balus bilong Mosbi long Mandé Me 7 long 5 klok apinun. Mista Somare, Gavana Jeneral, Sir

Kingsford Dibela na oi man i makim kantri bilong ol long PNG na oi lida bilong planti lotu bai i sambai long ples balus long givim welkam long Pop.

Bihain stret long Pop i kamap long Mosbi em bai go long Sir Hubert Murray Stadium na lotu long hap. Lotu va bai stat long 6 klok apinun na pinis long 8 klok nait.

Long Tunde Me 8 Pop bai lusim Mosbi long 8 klok moning bilong go

long Hagen. Em bai kamap long Hagen ples ples balus long 9 klok na oi bikman bilong lotu na gav man long Westen Hailans bai bungim em long Kagamuga ples balus.

Pop Jon Pol II bai kamap long Hagen taun long 9:15 am na lotu bilong em bai stat long hap pas 9 na i go pinis long 12:15 long belo.

Pop bai lusim Hagen ples balus long 12:45pm na kamap bek gen long

Mosbi long 1:45 pm. Em bai kaikai antap long balus.


Long 3:45pm Pop bai blesim ol sik manmeri long St Josep Peris long Boroko na long hap pas 4 bai em i gat miting wantaim ol bisop.

Long 5:15pm em bai givim toktok i go long ol bisop, pris, sista, na ol wokman bilong Katolik Sios.

Pop bai lukim lukim Gavana Jeneral bilong Papua Niugini, Sir Kingstord Dibela, long 6:30pm na long 7:45pm em bai kaikai wantiam olgeta bisop bilong kantri insait long Apostolik Nansietsa.

Long Trinde 9 Me long 8:15am Pop bai lusim Jacksons ples balus na go long Solomon Ailan. Em bai kamap bek gen long Mosbi long 8 klok nait.

Na long Fonde Me 10 long 8:40am Pop bai tok gutbai long Jacksons ples balus na balus bilong em bai i lusim Jacksons long 10 minit pas 9 i go long Bangkok. Raun bilong Pop long Papua Niugini bai i pinis long dispela taim.



Dispela foto i soim tupela man long Goroka i givim presen long Pop Jon Pol 2 long taim em i bin kam lukluk raun long PNG long 1973. Long dispela taim em i no bin kamap Pop yet.



Laip bilong Jisas




EM I TUMAS LONG TAUN... (Small text in local language)



Namba Wan Lo Bilong God

Luk 20: 20-26, Mak 12: 28-34, 38-44, 13, Matyu 26: 14-16



Kristen Buk Melanesia (Box 488, Wewek) i tanim dispela komik i kamap olsem buk bilong ol. Sapos yu laik yu ken baim long ol

Sande lotu

Frank Mihalic

2 SANDE BILONG LEN
18 Mas 1984

Long ol dispela wik bilong mun Mas yumi tingim 50 yia i go pinis long taim ol namba wan minisari i bin go insait long Hailans. Na i gat stori long dispela samting.

Pater Schaefer, namba wan Katolik misinari tru i bin go long Simbu, em i sindaun long Mingende long 1934 na em i painim hatwok tru. Planti samting i no ran stret. Em i les olgeta na i laik ranawe i go bek long nambis bilong Madang. Em i traim slip, tasol nogat. Em i tantanin long bet tasol. Bel bilong em i nogut; em i kros; em i laik givap. Em i no inap slip olgeta, olsem na em i kirap i go ausait long biknait.

Em i lukluk i go antap, na olgeta sta i lait moa moa yet. Em i sanap wantaim tupela dok bilong em. I no gat liklik nois; olgeta samting bilong graun i slip i stap na ol sta tu i wokabaut isi. Pater Schaefer i lukim ol nating na wanpela singsing bilong lotu i kamap long tingting bilong em. Mama bilong em yet i bin skulim em long en. Dispela singsing i go olsem: "Yu save kauntim olgeta sta i stap antap, laka? God i holim ol long han bilong em. ... Na em i holim yu long han bilong em tu. Yu no ken pret; yu go het mekim wok bilong yu tasol."

Pater i stat long sing nau; em i sing strong moa olgeta wari bilong em i kamaut long bel bilong em wantaim dispela song. I olsem em i trautim ol samting nogut i kam ausait. ... Taim Pater i sing, wara i kapsait long ai bilong em, em i kraik strong moa Na dispela samting tu i klinim sol bilong em.

Song i pinis na kraik i pinis, nau Pater i go bek insait long haus na i slip gut tru olsem liklik bebi. Na bihain, long laip bilong em, i no gat wanpela taim moa em i tingting liklik long givap wok bilong em.

Dispela stori i wankain liklik long stori bilong Gutnius bilong lotu bilong tude. Sen Matyu long sapta 17, lain 1 i stori long taim Jisas i kisim Jems na Pita na Jon na i go antap long wanpela maunten. Hia ol i lukim narakain samting tru. I olsem ol i

lukluk i go insait long heven long hap ai. Na dispela i strongim bel bilong ol moa yet. Nau ol i no pret long go karim pen wantaim Jisas.

Long laip bilong yumi wan wan tu i gat dispela kain sotpela minit i save strongim bel bilong yumi. Em i mekim spirit bilong yumi i paia tru long laikim God o long go het na sanap strong long gutpela pasin. Sampela yumi i kisim baptais long Holi Spirit Sampela i pilim strong moa, wanpela man o meri laikim ol tru. Nau laip bilong ol i go paia. Samtaim yumi pilim naispela samting, o lukim naispela samting na inap long wan minit yumi pilim liklik hap bilong heven, na liklik hap bilong God ... Sampela i lukim wok na strong bilong God long ol sta - olsem Pater Schaefer i bin mekim.

Long stori bilong Gutnius, Jisas i wokabaut wantaim ol disaipel bilong em nau long rot i go long Jerusalem. Em i las wokabaut bilong em long dispela rot. Em i go long dai nau Dispela dai bilong em bai bagarapim ol disaipel bilong em olgeta. Em i mas strongim ol bipotaim. olsem na em i kisim tripela i go antap long maunten na em i larim tripela i lukim na i pilim, wanem kain heven i wetim ol.... Tripela i lukim, na tripela i lus olgeta, i no laik kam daun bek.

I gat sampela spesel taim long laip bilong yumi, we yumi save pilim bikpela laik na strong bilong God. Long taim bilong bikpela sori i olsem long taim bilong sik o indai bilong gutpren.

Na tu yumi save pilim narakain na hepi tru, long taim yumi save pinis wanpela man o meri i laikim yumi tru. I olsem bipo bilong yumi i gat wing na i flai... Em i spesel minit long laip bilong yumi.

Na tu long taim yumi karamap long bikpela wari, na yumi singaut tru long God. Em i save painim we bilong stretim wari bilong yumi. Ating em i wanpela we, yumi no bin tingting liklik long en. Em samting bilong God.

Sambai long God. Em bai sambai long yu tu. na long taim bilong em, bai em i givim ol dispela kain spesel minit long yu tu.

Februari Kaset Resis

LONG kaset resis bilong Februari i gat sampela nupela kaset na sampela kaset bipo i bin i stap long dispela lista.

Night Owls bilong Mosbi, ol i kamap namba wan. Sampela singsing bilong ol em ol i kopikat singsing tasol.

Long singsing olsem "Most Beautiful Girl" na "Eleanor Rigby" na "Malaika" ol i bihainim nek na hap tok bilong ol dispela singsing i kam long ovasis. Tasol long sampela singsing, nek em bilong wanpela ovasis singsing, tasol ol i putim Tok Pisin long dispela nek.

Em olsem "hapkas singsing" -- nek i kam long wanpela hap na tok bilong singsing i kam long narapela.

Wanpela singsing bilong Night Owls em "Stap Isi Manki." Orait tok em long Tok Pisin, tasol nek em bilong wanpela singsing nem bilong em "Settle Down." Dispela kain hapkas singsing i no nupela samting.

Tingim "Kaikai Buai" bilong Gwadu. Nek bilong dispela singsing i kam long wanpela singsing bilong Australia, nem bilong em "Waltzing Matilda," tasol ol i putim ol nupela hap tok long dispela nek. Na tu wanpela singsing "China Girl" ol Barike i bin sensim na kamap "Tolai Girl." Tasol tupela singsing ya bilong Barike na Gwadu, em long Tok Inglis.

Memehusa Company i save wokim hapkas singsing tu. Nek bilong "Liklik Tingting" bilong Memehusa em i kam long wanpela singsing bilong Police, nem bilong em "Every Breath You Take"

Sapos nupela kaset bilong Night Owls i kamap, em bai gutpela sapos ol i putim sampela singsing moa long Tok Pisin, tasol ol i mas tram yusim nek bilong ol tasol

NIGHT OWLS

"MI GAT LAIK LONG YU"



maski kisim nek bilong ol ovasis singsing

Frank Low i bin stap long Molachs na Unbelievers Rivival long Rabaul bipo. Tasol nau em i lusim ol na katim kaset bilong em yet.

Long kaset ya i gat sampela singsing bilong ol dispela ben em i bin stap wantaim ol bipo na tu sampela bilong Memehusa na Black Brothers.

Ating las wik vupela i bin ritim stori long Wantok Niuspepa long wanpela nupela studio i stap long Madang. Orait, tripela kaset bilong dispela Santalina Studio i stap long kaset resis.

Ol Kangioi Brothers i bin katim wanpela kaset long NBC long 1982. Na long namba ten ples i gat tupela arapela kaset bilong Santalina.

Young Muddy Bay em i wanpela stringben bilong ples Kananam na Mudu Rockers em bambu ben bilong Riwo. Bikos Santalina Studio i stap, i gat rot long planti ben bilong hap Momase long katim kaset nau. NBC tu i gat wanpela nupela kaset bilong Madang, em bilong Mokinnies String Ben bilong Bogia Distrik

Sirosi Studio em wanpela narapela nupela studio em i stap long Kieta. Na tu Sirosis em nem bilong wanpela pawaba.

Plantu singsing bilong ol em ol ovasis singsing

tasol. Tasol "Spangane" em i wanpela singsing i kam long Morobe na Thomas Kombi bilong Sanguma i bin tanim.

Long 1979, Sanguma i bin katim dispela singsing pastaim na ol i bin bihainim stail bilong ol na paitim garamut, winim mambu na olsem Taim Sirosis i katim, ol dispela samting i lus - em olsem tu taim Faces i bin katim singsing ya long las ya.

Nau planti ben liklik i kisim singsing bilong Sanguma. Yu tingim taim tu ol Blak Brothers i bin stilim "Yalikoe" bilong Sanguma? Tarangu, em i long taim nau na Sanguma i no katim wanpela nupela kaset.

NBC i katim kaset bilong tupela nupela string ben bilong Noten Provins. Wanpela em Fegogo Ben bilong ples Buru long Orokaiva. Arapela em Hornets bilong Asisi na ol i singsing long tok Hunjara.

Namba tri kaset bilong Tomi i kamap pimis, nem bilong em Sentimental. Olsem long ol arapela kaset bilong em, nupela kaset ya i gat singsing bilong planti hap bilong PNG na tu bilong Pasifik.

K.V. Brothers Ben i kam long Kimbe na Kuanua Studio i bin katim kaset bilong ol. Ino gat planti ben bilong Wes Nu Briten i stap long

i go moa long pes 27



John Wong - driman bilong em i kamap tru nau.

JOHN Wong i bin driman longpela taim tru long bungim ol man i save gut long pilai long ben.

Thomas Lulunga Rabaul.

Long mun Novemba 1980, driman bilong John i pinis na samting tru i kamap long wanem ol i kirapim dispela ben Barike. John i hatwok tru long painim ol man i save gut long paitim gita o dram olsem Matalau Nakikus na Glen Low na Donald Lessy na Fabian Tadoi. Ol man ya i stap nau long ben Barike Ben.

John Wong i wok long painim ol dispela man inap 12-pela ya olgeta.

Barike i katim tupela kaset pinis long Soundstream Studio na Pacific Gold Studio. Tupela studio ya i stap long Rabaul.

Greg Seeto i bin helpim ol long katim gut tupela kaset ya. Greg em i sevisman long katim ol ben.

Namba wan kaset bilong Barike, em ol kolim "Waikiki Tamure." Dispela kaset i bin kamap long 1982 na em i bin winim wanpela prais.

Na namba tu kaset, nem bilong em "Team Spirit," i bin kamap

long las ya. Planti man tru i gat tingting long dispela kaset.

John i tok, "Mi man bilong pilai long ben, olsem na mi traim wokim gutpela musik. Mi traim autim tingting bilong mi long ol singsing bilong mi."

John i kisim 5-pela prais pinis. Long 1977, dispela ben Apple San i bin katim kaset long NBC na wanpela singsing bilong John i stap long kaset, nem bilong em "Gypsy Rose."

Bihain, dispela ben i katim narapela kaset gen ol i kolim "Apple Sun Fever."

Nem bilong kaset ya em i nem bilong wanpela singsing poroman bilong John i bin tingim. Nem bilong dispela man, em Frank Low.

Orait, bihain long dispela kaset, Apple Sun i bruk na John i kirapim nupela ben, Rastaman Vibrations.

Sampela singsing bilong John i bin kamap long ol kaset bilong dispela ben, olsem "Love" na "Without You" na "Come Back Babe."

Rastaman Vibrations i katim tupela kaset long Soundstream Studio.

Long 1972, em pastaim John i pilai long ben. Pastaim em i paitim dram long ol ben olsem Reserve, Cats

John Wong Na Barike Ben

Squirrels, na L Dees Bihain em i go long Kieta na em i bungim Glen Low na ol i pilai long wanpela ben ol i kolim Sunam Bullist.

Long 1976, em i go bek long Rabaul na kirapim narapela ben gen, nem bilong em Pila Zerk Mates. Na em i bungim Donald Lessy long Rabaul.

Donald na Glen nau i stap wantaim John long Barike Ben.

Orait long 1977, John i bungim narapela man i stap nau long Barike Ben. Nem bilong man ya em Matalau Nakikus. Tupela i bung long Goroka na ol i pilai long wanpela ben ol i kolim Evolution.

Matalau i man bilong singsing tu, olsem na ol i painim planti wok long Bird of Paradise Hotel, Spots Club, Lantern Lodge, na ol arapela hotel long Goroka.

John i laik go bek long Rabaul na em i go olsem

long Lae we em i bungim Fabian Tadoi. Fabian em i drama bilong Barike nau.

John i tok, "Milukim Fabian i paitim dram long wanpela ben nem bilong SSK. Taim mi lukim em, mi bin ting em i saveman tru ya, na sapos mi helpim bai em i kamap wanpela smatpela drama tu."

John i bungim ol dispela man pinis na ol i kamapim Barike Ben i no long taim nau ol i bin katim dispela tupela kaset.

Klostu bai yu harim wanpela kaset bilong John yet, ol Pacific Gold i bin katim.

Sampela singsing bai stori long tingting bilong ol manmeri bilong Rabaul long maunten paia.

Wanpela memba bilong Molachs Ben, nem bilong em John Warbat, i paitim gita long dispela kaset tu long helpim poroman bilong em.



Dispela kaset bilong Barike ben i gat stail karamap bilong em.

Kas Bilong Pai

LONG planti hap bilong PNG, singsing bilong tumbuna em i wanpela samting i no inap senis.

Ol man bilong ples i save tok "Long dispela singsing mipela bihainim ol tumbuna." Tasol sapos wanpela nupela samting i kamap long ples, ol i no inap tanim na putim long nek bilong singsing tumbuna. Nogat, ol singsing tumbuna i stap pinis na nupela i no inap kamap. Olsem na sapos ol yangpela, ol laik singsing, ol i save tanim long singsing gita.

Long sampela hap bilong PNG, ol man inap yusim nek bilong singsing tumbuna, tasol ol i autim toktok long ol samting i kamap nau.

Long sampela stori mi bin raitem bipo, mi stori long sampela nupela singsing long Tok Pisin ol string ben o ol pawa ben i bin wokim. Tasol nau, yumi bai lukim wanpela singsing long Tok Pisin, tasol em i no singsing gita.

Singsing ya i bihainim stret nek bilong ol singsing tumbuna.

Dispela singsing i kam long hap i stap namel long Imonda na Manab stesin long Wes Sepik Provins. Nem bilong ples stret em Sowanda.

Mi no inap kolim stret nem bilong man i singsing nogut man o meri i sem. Olsem na bai mi givim man ya wanpela nem giaman. Bai mi kolim em Pai.

Orait, Pai i gat laik long wanpela meri, tasol meri ya i marit. Long biknait, em i go holimpas meri tasol pastaim meri i no save wanem samting i holim em. Olsem na em i kirap nogut na askim Pai-yu olsem wanem?

Meri ya i askim sapos em i rat o dok o pik o wanem samting.

Meri ya i pret long wokim long ples klia, long ai bilong ol man - nogut man bilong em i kam katim em long tamiok samting.

Na tu meri ya i wari olsem ples i no tudak, mun lait i stap. Tasol bihain, kros bilong meri i pinis na em i holim Pai.

Orait singsing i go olsem. Pai ya i singsing olsem em i dispela meri:

Pai lusim mi ya

Man bilong mi singaut Nogut i katim mi Naip i askim mi Tamiok i askim mi Banara askim mi

Pai yu lusim mi Bilong wanem yu holim mi Mi kisim sem nogut Mi kisim sem ya Man bilong mi krosim Yu taitim pulim

Bilong wanem yu pulim a Man bilong mi kros a Bilong wanem yu pulim Mi laik go insait Man bilong mi singaut Yu no laikim mi Mi no laikim yu Mi ting olsem rat a Mi ting olsem dok a Mi ting olsem pig a

Ating meri ya i no kros tru, em i tok pilai long Pai tasol. Na bihain, Pai i gat kas.

Long sampela arapela hap tu ol i save putim Tok Pisin long nek bilong ol singsing tumbuna o nogat? Dispela man Pai ya, em i sevisman long mekim kain singsing olsem. Long dispela hap, ol singsing tumbuna i strong moa yet - maski tingim gita, singsing tumbuna em inap ya.

Musik Dipatmen Insitut bilong Papua Niugini Stadis

Helpim Ol Refuji

IS Sepik Ko-odineting komiti bilong painim man na givim helpim i salim pini skios, kaikai na man i kos moa long K600 i go long ol Wes Irian refuji i stap long Vanimo.

Komiti siaman, Mista Paul Bengo i tok ol i salim K427,84, ol klos inap long K200 na kaikai inap mak bilong K50.

Long dispela wiken bai ol pipel i karim raun wilbaro long Wewak taun long bungim moa man. Las wik ol i mekim wankain samting long karim raun wilbaro na ol Lions klap i bin givim bikipela helpim tru long mekim dispela wok bilong painim man long helpim Wes Irian Refuji i stap long Vanimo.

Siaman Paul Bengo i givim bikipela amamas na tenkyu long ol lida na pipel bilong Nuigo pipel long bikipela helpim na ol arapela pipel i stap long dispela wok.

1. Mi Gat Laik Long Yu. Night Owls (Las mun. --) Chin-H-Meen 116.
2. Frank Low With Not Simpel. (Frank Low (2). Kuanua KC-12.
3. On Probation. Kanagioi Brothers (-). Santalina SSR-01/Chin-H-Meen 129.
3. Wind of Change. Sirosis (-). Sirosis SRS-PNG-001.
4. Fegogo. Fegogo Band (-). NBC B 199.
5. Sentimental. Tomi (-). Chin-H-Meen 120.
6. Ke Suga. Hornets Band (-). NBC B 161.
7. Talaigu. Molaghs Unlimited (-). Soundstream TC-PNG-08.
8. Langemak Band. Langemak Ban (-). NBC B 161.
9. Joanne. New Scorpions (15). Kuanua KC-11.
10. Young Muddy Bay. Young Muddy Bay (-). Santalina SSR-02.
10. Eiy Ta Ibilima. Madu Rockers (-). Santalina SSR-03.
10. Pasim Pes Bilong Yu!! Breeze Band (-). Kuanua KC-10.

11. Iari Pari. Paramana Strangers (-). Chin-H-Meen PNG 45.
 12. Uroko. Okoro Mates. (-). Soundstream TC-PNG-31.
 13. The Sexy Apples. Sexy Apples. Soundstream TC-PNG-43.
 14. Sela. Memehusa Company. (-). Chin-H-Meen PNG 109.
 15. Mokinnies. Mokinnies String Band. (-). NBC B 197.
 16. Sikoni Davana. Memehusa Company (-). Chin-H-Meen 110.
 17. Rolling With The Flow. Rastaman Vibrations. (-). Soundstream TC-PNG-11.
 18. How Excellent. Sonoma Choir (14). Kuanua KC-19.
 19. Raramani. Paramana Strangers (-). Chin-H-Meen 115.
 20. U.K. Emai Vanuana. Helgas (-). Chin-H-Meen PNG 60.
- Mipela i bin yusim namba bilong hamas kaset ol dispela kampani i bin salim: Chin-H-Meen, Kuanua, National Broadcasting Commission, Santalina, Sirosis, na Soundstream. Musik Dipatmen bilong Insitut bilong PNG Stadis i bin wokim.

Boi Nogut | Bekim Dinau

na kamap bikman



BIPO, bipo tru long taim bilong tumbuna i bin i gat wanpela liklik manki i save stap long hap bilong Wes Sepik eria.

Papamama bilong dispela manki indai pinis. Na manki ya i no bikpela. Em i gat samting olsem 5-pela krismas tasol. Dispela manki ya i save stap wantaim kandre-meri bilong em. Meri ya i marit na i gat wanpela pikinini man tu tasol krismas bilong manki ya i wanim pikinini bilong meri ya.

Olgeta taim kandre-meri wantaim man bilong em i lusim ples i go long painim kaikai o wok, manki ya i save lukautim ol pik na pikinini bilong ol.

Tasol long taim tapela papamama bilong em i kam bek pikinini va i save giamanan ol olsem dispela manki i save patim em na i no save givim kaikai long em. Na papamama i save krosim tarangru va nogut tru.

Em i save ranawe i go hait i stap na kra i nogut tru. Tasol bai em i go we? I no gat narapela wanpispin long lukautim em. Dispela kandre-meri em wanpela wanpispin tasol bilong em long dispela ples. Tasol em na man bilong em i save patim manki va nogut long taim pikinini bilong tupela i givim kain kain giamanan ripot long ol.

Manki ya i save kra i wantaim na tokim kandre-meri bilong em.

"Mi no save mekim nabaut. Mi save lukautim em gut tru, na givim kaikai long taim em i hangre."

"Na mi save sapos mi mekim ol dispela wok bai

dispela i givim mi saiki. Sapos nogat oai yupela i no inap givim mi kaikai."

Kandre-meri i save krosim em na tokim em. No ken mekim dispela kam giamanan toktok we oi pipel long pies bai harim. Na meri va wantaim man i save narim na bilip m toktok bilong pikinini bilong tupela tasol.

Wanpela de gen papamama i go painim kaikai long gaden. Na manki va i lukautim liklik pikinini i stap. Tupela i stap nau na ol i go painim sampelea galip arere long bus. Ol i kisim oi galip na i wok long brukim na kaikai i stap.

Klostu apinun nau na ol i save olsem bai papamama i go bek long ples. Na liklik pikinini va i painim olsem em i no gat toktok long givim long papamama.

Hamaim Han

Na em i kirap na hamaim han bilong em long ston na em i wok long kra i stap.

Papamama i go kamap nau na lukim em i kra i stap vet.

Tupela askim em, na em i giamanan na i tok manki va i bin patim em long ston.

"Manki va i laik tokim tupela olsem pikinini i giamanan tasol kandre-meri i kirap kisim bikpela stik na em i patim nogut tru manki va. Na klostu bun bilong baksait i bruk. Blut i kapsait long yau, maus na nus bilong em.

Manki va i kra i kra i go na em i slip tasol aninit long haus i stap. Ol i no givim kaikai long em. Na manki i wari tru long papamama bilong em na em i kra i stap.

Neks de long bikpela moning tru taim ples i no tulait yet manki va i kirap wokabaut tasol i go long bus. Em i no save wanem rot em i bihainim tasol em i wokabaut tasol na i no pret long wanem trabel o birua i kamap long em.

Em i wok long tingting tasol olsem sapos em indai bai i gutpela long wanem bai em i lukim pes bilong papamama bilong

em."

Manki va i wokabaut i go i go na em i bilim hangre na em i go slip i stap long as bilong diwai. Bihain em i kisim strong na em i painim koi wara na dring pinis orait em i wokabaut.

Em i wokabaut i go i go na em i go kamap antap long wanpela bikpela maunten. Na long taim em i sanap lukluk em i lukim smok i kamap longwe tru.

Orait em i bihain dispela smok i go i go. Na pies i tudak pinis na em i kamap long dispela hap. Hia em i painim wanpela liklik haus tru na i gat wanpela lapun meri tru i stap wanpis namel long ol dispela maunten na bik bus.

Manki va i go long lukluk insait long haus na lapun meri i opim dua. Lapun i lukim em na i askim "kain liklik manki olsem vu i mekim wanem hia. Na vu kam wantaim husat?" Manki i tokim lapun em wanpela tasol i kam na em i no save nai em i go we.

Givim Kaikai

Lapun meri i kisim em i go insait long givim kaikai long em. Na em i askim manki va. Yu save long dispela hap olsem wanem? No gat man i save painim kaikai i kam long dispela bus."

Manki va i sindaun nau na stori long oi pasin kandre-meri wantaim man bilong em i save mekim long em. Lapun i harim na em i wari nogut tru na kra i long manki va.

Na lapun i tokim em. "Yu no ken wara. Dispela bus i bilong mi na i gat planti kaikai i stap. Mi no gat pikinini na vu ken kamap pikinini bilong mi."

"Bai mi yet lukautim vu na vu bai i stap hia olgeta i no inap go bek long ples."

Em nau manki va i stap olgeta nau wantaim lapun. Planti via i go lus pinis na manki i stap gut na em i laikim tru lapun meri ya olsem mama bilong em.

Manki va i save mekim

kain kain wok. Em i save wokim gaden painim abus. Klimim pikinini muruk na em i smat moa long pasin otlong raun long bus na maunten. Na em i kamap bikpela na strong-pleia masel man tru.

Na lapun meri i go lapun nogut tru. Klostu taim bilong em long indai nau. Yangpela man va i save lukautim em gut tru na painim paawut na oi arapela samting. Lapun i save sindaun long haus tasol long wanem ai bilong em tu klostu i pas.

Wanpela moning nau lapun i sindaun long paia na tingting i stap. Em i save olsem pikinini man i mas go bek long ples na marit.

Orait em i singautim pikinini bilong em i kam na i tokim em nau long tingting bilong em. Tasol man va i harim na em i no laik.

Lusim Lapun

I lapun i wok long strong yet na tokim man va i go bek long ples na marit.

Man va i tok orait tasol em i no laik lusim lapun was mama bilong em long wanem lapun va i was gut ru long em na em i kamap bikpela man pinis.

Man va i tingting i go planti de pinis nau na em i orait long tingting bilong lapun.

Wanpela moning nau tupela i wokabaut i go i go na ol i kamap long nambis. Lapun meri i mekim singsing na splitim long lek han bilong em long givim strong na em i wokabaut.

Meri va i no meri nating. Em i wanpela meri i save giampil lewa na tingting bilong ol arapela pipel. Na em i save long ol singsing na posin tu.

Man va i no bin save long ol dispela pawa bilong ol meri va. Na lapun i no laik tokim em.

Tupela i wokabaut go kamap hariap tasol long nambis. Na nambis i no stap klostu. Em i stap longwe tru. Tasol lapun i bin wokim singsing na tupela i go kamap hariap.



Tupela i kamap long nambis pinis na lapun i tokim em. "Bai vu bihain dispela long kanu inap vu go kamap long ples bilong vu stret."

Em i givim las toktok long man va nau. "Pik-nini bilong mi, mi givim vu oigeta pawa bilong mi nau. Long taim vu kamap long ples bai i gat planti meri tru i laikim vu. Na bai vu kamap hida bilong pies. Na bai vu gat bikpela graun na bikpela haus i gat kain kain samting i stap long en. Na nogat moa birua bai kamap long vu."

"Yu no ken kam bek long painim mi, long wanem mi bai no ken i stap moa. Na dispela haus na pies bai i luk narakain na i no inap stap olsem bus na maunten em vu bin wokabaut long en."

Lapun i singaut na wanpela draipela ston i kam antap long wara. Orait em i mekim wanpela tok tasol na ston i tanim olsem kanu.

Man i go daun sanap long kanu na i gat mani na kain kain gutpela samting i stap long dispela kanu. Tasol long ai bilong arapela pipel bai i luk olsem ston. Man va i lukim olsem kanu tu.

Man va i go sanap long kanu na lapun meri i tromoi han na kapsaitim sit bilong paia. Na dispela i pasim rot oigeta nau. Man i lukluk i go bek na em i no moa lukim pes bilong lapun.

Em i wari na kra i nogut tru long was mama bilong em na em i kra i nogut tru.

Ston i drip i go kamap stret long nambis klostu long ples. Na man va i kisim oigeta samting i go antap long ples na em i wokim yupela haus.

Pawa bilong lapun va i mekim na ol wok man va i mekim i kamap kwik taim tru. Na planti yangpela meri i pundaun tru long em.

I gat kain kain samting i stap long banis bilong man va em oi arapela pipel i no gat. Planti pipel long viles i save kasapit long banis bilong em long askim em long helpim ol.

Em i save helpim ol pipel tru tasol taim kandre-meri na man wantaim pikinini bilong tupela i kamap man va i save sasim oi long selmani.

Em i laik oi mas bekim dinau long hatpela taim oi givim em long taim em i laiklik manki.

Ol pipel long ples i no luksave long em, nogat tru. Bihain kandre-meri va i wok long tingting.

"Bilong wanem tru na mipela i save baim na oi arapela pipel i save kisim fri tasol ol samting long man va."

Wanpela de meri va i go askim em. Na man va i tok, "Em dispela tarangru manki yupela i save patim hap indai long ol dispela giamanan toktok bilong pikinini bilong yupela."

"Na nau mi bekim."

Wanem samting yupela i laikim long banis bilong mi bai yupela i baim long bikpela prais. Ol arapel bai kisim fri.

Meri i harim dispela hap tok na em i kra i na i wari tru na em i go tokim man bilong em.

Man wantaim meri na pikinini i wari na sori na oi i kisim bikpela selmani i kam baim man va long oi trabel i givim long em long taim em i bin laiklik.

Tasol man va i no laik kisim ol selmani va. Em tokim tripela olsem "vu mi bai stap birua inap mi indai o yupela indai."

Man va i maritim wanpela smatpela pikinini meri bilong hida bilong wanpela pies i longwe liklik. Ol pipel bilong viles va i birua long ol viles pipel bilong em.

Dispela marit bilong em i mekim na tupela viles va i kamap pren. Na man va yet i kamap hida bilong dispela viles tu.

Planti oi meri bilong ples bilong em vet i save teles long dispela meri bilong man va.

Pikinini bilong kandre-meri i no marit. Na papamama bilong em i kamap rabis tru na oi i no gat gutpela samting. Dispela em i strafe bilong oi i kam long pawa bilong lapun meri va.

Man va na famili bilong em i sindaun amamas long dispela viles. Ol i bikmanmeri na hida tru bilong ples.

N.Watae, Aitape, WSP.

No 4
Wantok
Winim K100
Laki Bingo ★ ★ ★

B i n g o

62-21-25 79-82-2	78-33-6 80-19-96	17-77-91 X-44-9	40-87-16 84-26-50	90-59-37 13-64-10
---------------------	---------------------	--------------------	----------------------	----------------------

Pilai i go olsem makim wanpela namel long ol 6-pela namba aninit long B na I na N na G. Mipela helpim vu na makim pinis Namba I aninit long N.

salim i kam long: Wantok Bingo - Box 1982, Boroko. Hariap salim kwik. Resis ya bai go inap long 4-pela wik.

Sapos i nogat wina man i klostu long win bai kisim K10.

Nem: _____
P.O. Box _____
Taun _____

No Gat Klos, As Nating

Jerry Daniel

i kam long pes 25

kaset olsem na em i gutpela Kuanua Studio i katim kaset long hap.

Planti kaset i bin stap long kaset resis long mun i no stap nau. Frank Low, New Scorpions, na Sonoma Kwaia tasol i stap yet. Tasol planti kaset i stap long kaset resis las yia i kamap gen.

Ol kaset bilong Meme-husa Company, Lang-gamak Ben, Sexy Apples, Helgas, na Paramana Strangers ol i bin stap long lista bilong 1983 tu.

Long 1981, Sound-stream Studio i bin katim kaset bilong Molachs na Rastaman Vibration na Okoro Mates. Na nau ol i stap long lista bilong mun Februari.

Ating sampela man i save glasim gut ol stori long kaset resis olgeta mun bai luksave olsem long dispela mun i no gat kaset bilong Pacific Gold Studio i stap long lista.

Long tupela wik mipela i wok long traim ringim ol, tasol i no inap. Sampela man i tok Pacific Gold i go pinis long Lae na sampela i tok ol i raun ovasis.

Husat i save? Orair, sapos ol i tok save long mipela long hamas ol kaset ol i salim long mun Februari bai mipela i stretim kaset resis.

Pacific Gold, yupela i stap we nau?

Musik Dipatmen, Institut bilong PNG Stadis.

SEPTEMBER 1978, mi ken tingim dispela taim klia tru, long wanem mi bin go long baim tiket bilong sip long i go long ples long Siassi.

Yu save taim bilong Krismas i klostu na ol manmeri i resis long baim tiket. Sapos yu no baim tiket kwik tarangu bai yu no inap go amamas liklik long ples.

Dispela taim em las wik bilong mi na mi wari tru nogut arapela i pinisim' tiket.

Na mi go daun long Voco poin na mi go long opis ol i save salim tiket.

Mi opim dua, nogat pusim, em dispela dua yumi save pusim. Mi pusim na mi go insait na sanap lukluk.

Sampela meri i paitim masin na sampela i mekim arapela wok. Ol i tanim na lukluk long mi.

Wanpela bikpela meri ya pes bilong em i gat mak long en i lukim mi na tok wantaim kros, "Yu go long hap."

Tarangu mi sem pipia tru. Mi no save ol i save baim tiket long hap, mi skrapim gras tasol na tanim i go long hap.

Mi raunim liklik kona na mi go sanap long wanpela liklik windua. Wanpela meri em i sindaun long dispela hap em i askim mi.

"Yu laik go we?"
"Mi laikim tupela tiket i go long Lablab, bai

yupela raitim nem bilong mi na mi go kisim mani i kam."

Dispela meri ya mi tok pastaim ya em i kirap nau em i tok, "Mi no inap mekim olsem."

"Mi no save dispela meri. Ating em wok bilong em long toktok long ol pasindia o wanpela meri tasol i laik sanap na giaman nabaut."

Mi tok strong tasol em i tok strong moa na wanpela brata bilong em em i lukim mi na em i kam sanap klostu.

Taim em i harim olsem em i subim wanpela twenti kina i go long em i tok, "Yu givim em tiket."

Man meri ya i kirap na tok, "Em i no inap."

Yu save mipela ol man i save wok long Ampo mipela i no save kisim bikpela mani olsem na meri ya em i no save long mi.

Mipela i givim mani long narapela meri ya em i save long mi na em i kam wok long raitim tiket.

Man, nau planti manmeri tru ol i harim toktok bilong mipela na mi sem pipia tru.

Mi wok long lukluk long meri na mi lukim em i wok long kamap bikpela. Em i nogat kros moa nau, em i sanap nating.

Man em i no liklik, het bilong em klostu holim siling. Mi lukim wanpela bet i sanap klostu na meri ya em i sanap long glas lukluk na wok long lukluk long em yet.

Dispela mas em i longpela. Na mi lukim piksa bilong em long lek i go antap long het. Susu bilong em i sanap na olgeta samting bilong em i bikpela bikpela tasol.

Mi lukiuk na lukim sampela man i kam. Taim ol i kam klostu long meri ya ol i no luk olsem man. ol i luk kain olsem ol kaving ol man bilong Sepik i save mekim. Ol i wokabaut kranki.

Mi lukim ol longpela pos i go antap na grinpela samting ya i save pas long ston long wara na long solwara ya. Tok ples bilong mipela long tok Jeman mipela kolim "lum."

Man, ples i luk naraka in tru. Ol samting i ran i go i kam ol lukim ol blak tasol na i no inap lukim klia.

Meri ya tasol em i klia na bikpela tru. Nau mi lukim em komim gras tanim tanim na lukluk long em yet long glas.

Em i tanim long sait na bihain tanim long narapela sait na tanim baksait na bihain sanap stret na lukluk long glas. Em i tanim long narapela sait na tanim baksait na bihain sanap stret na lukluk long glas.

Ating em i lukim piksa bilong mi long glas na kwiktaim em i tanim.

Mi gurai na mi laik lukluk long hap na kwiktaim mi lukim pes i kamap gutpela na olgeta

manmeri i wok i stap.

Na meri ya i raitim tiket bilong mi em i raitim pinis na givim mi wantaim senis. Olgeta manmeri ol i wok na sampela ol i sanap i stap.

Man mi sakim het bilong mi kwiktaim na mi ting mi longlong o? Nau mi amamas mi kisim tiket pinis na mi wokabaut bihainim rot mi laik i go long top taun.

Mi wok long tingim samting mi lukim na mi lukim sampela boi ol i wokabaut i kam. Man ol i karim drapela katen mi harim olsem gutpela musik tru i wok long kamap long dispela kes.

Mi lukim ol tok i stap long katen em rait olsem "Posin kilim yu i dai." Man dispela ol boi ya ol i wokabaut narakam tru.

Mi wokabaut i go antap liklik tanim kona na mi lukim wanpela bikpela haus i gat wanpela sin long en ol i raitim olsem, HAUS POSIN.

Mi lukim i go insait na lukim ol man na sampel aman ol i wok long holim ol bikpela botol tru.

Man dispela botol i luk nais tru na long siat bilong em i tok olsem mi bin ritim bipo. "Posin kilim yu i dai isi isi."

Mi lusim dispela hap na i paitim het bilong mi strong na ai bilong mi klia gen. Na mi wokabaut i go moa.

Mi go antap long top taun na mi lukim man na meri. Nogat laplap, skin

natig na i no ol liklik manmeri longpela bilong ol em samting olsem nain fit.

Ol blak na wait na Saina, man na meri. Ol i wokabaut nating nogat kros tru.

Long bros bilong ol sampela mi lukim ol i raitim olsem: "Man i gat namba."

Long sampela mi lukim ol i rait olsem, "Man i gat skin diwai." Wan wan man tasol mi lukim ol olsem man tru na oi i putim kros.

Ples olsem pastaim tru mi lukim long Voco poin. Ol longpela pos tasol na antap long en em ol samting i luk olsem gras bilong solwara.

Long graun i gat dispela samting em olsem mi tok pastaim, samting i save kamap long ston long wara ya.

Mi lukim ol dispela samting na het bilong mi pen tru a m pilim mi laik traot olsem na kwik taim mi ranawe na mi lukim ples gut.

Mi kisim win gut taim mi kam long bus stop na mi sindaun na wetim bus.

Taim mi sindaun i stap m i harim' bikpela nois olsem singaut bilong smok balus. Wanpela musik stua klostu long bus stop ya ating ol i laik traim bai ol inap brukim spika bilong redio bilong ol o nogat.

Wanpela olpela bus i kam na mi ritim long sait bilong en, "Bokis bilong

planim man i dai" antap long taia.

Mi tubel nau bai mi kisim dispela bus o nogat. Ol man i tok yu go long Ampo olsem na mi kirap i go antap long bus na bus i ran i go.

Man draiva ya i no isi isi liklik, em i givim sam long ka va winim kros.

Man het bilong mi i raun liklik na mi laik lukluk long lukim masin i draiva ya mi lukim em i bikpela man tru ya. Mi gat bikpela bel tru olsem em i gat bel 9 mun na klostu i laik kekim pikinini na em i laik harap i go long bus sik bai karim pikinini.

Mi pret nogut tru na taim mipela kamap long Ampo mi singaut na ai bilong mi i klia gaun na mi go daun na i go long haus.

Long nau em Sarere 11 de bilong mun Desemba yia 1982. Long moning mi bin go long taun wantaim pikinini bilong mi na mitupela i kam bek. Soru tumas mipela i kam long en draiva i spitim na mi sek liklik.

Planti manmeri bai kisim birua long wanem sampela manmeri o ting ol tasol em ol i stap long dispela raun.

Sampela boi olsemim ka nabaut olsem papa bilong ol i papa bilong Dunlop o Lae Tana Sevis.

Long driman yumi save lukim planti blut. Wanem taim bai yu daunim yumi yet na ai bilong yumi i op em?

Namba wan samting em i gutpela helt long olgeta famili.

Famili i gat gutpela sindaun bai i hamamas. Johnson & Johnson i gat olgeta samting bilong mekim famili bilong yu helti na lukim gut.




Johnson & Johnson


WOLNIUS POTO



1. BEIRUT MAS 5 - Dispela yangpela meri i dring ti na liklik susa bilong em. Lukluk long posta piksa i sapotim Ayatolla Khomeini wantaim pait resis long Iran na Sai'ait Amal Mumen long Lebanon. Ol dispela posta i kamap long oigeta hap bilong Wes Lebanon bihain long taim ol Moslem rebel paitman i tekoia long gacman, long mun bipo.




6. NU DELI, INDIA, MAS 5 - Praim Minista bilong India, Misis Indira Gandhi i sekanim han bilong Praim Minista bilong Japan, Mista Yashuhiro Nakasone taim tupela i bung long Indonesia.



2. BULAKAN, FILIPIN AILAN, MAS 5 - Ol dispela manmeri i wokabaut mas na egensim gacman. Ol i karim sainbot na wokabaut long 60 kilimita i kam kamap long Mekawaian taun klostu long Manila. Ol i laikim arapela manmeri i sapotim ol na tambuum ileksen i kamap long palamen long Me. 1984. Sainbot i gat toktok olsem: "Kantri bilong yu bai fri long wanem taim?"

3. SAN FRANSISKO, AMERIKA, MAS 4 - Jackie Hoard husat i gat 33 krismas i pundaun na hangamap long windua bilong hotel bihain long taim plisman i pairapim bom na rausim em long wanpela rum. Em i bin kilim indai wanpela plama na i go hait insait long rum bilong em. Em i pundaun long windua na slip inap wan aua pastaim na em i dai.

4. SHANGHAI, SAINA, MAS 5 - Dispela meri, Moa Fujen husat i gat 43 krismas i soim han na tokaut olsem em i ken litimapim ol samting long pinga bilong em. Masin i bin katim pinga bilong em long Mun Ogas. 1983. Tasol ol dokta bilong katim man insait long namba 6 Pipels Hospital long Shanghai i katim wanpela pinga long lek bilong em na joinim i go gen long han bilong Februeri, 1984.



5. BEIRUT MAS 5 - Minista bilong Foren Rilesen bilong Frans, Mista Claude Cheysson i putim liklik masin bilong lukautim skin antap long nek taim emi go antap long helikopta na lusim Beirut ples balus. Em i no amamas bikos wanpela soldia bilong Frans i bin dai long pait pastaim long taim em i kamap long Bairut.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.